



澹軒居士贊 行福一

嚴毅莊肅出自泰伯詩禮從容清風高節天倫篤行季子遺學以淡名軒大

昌南宅

禮部尚書浦陽鄭沂題

水木先生子賢公讚 失行

先生世居東陽之南岑姓吳氏天性和平甘於淡泊不可以澄清撓濁之
為喻卓然自樹不事浮靡不可以艷陽桃李之為矜周流無滯挺然不羣
時人未易窺測因呼之為水木先生翰聞其言為之贊曰

交必有道以澹而親其性有以得乎水之真歲寒後凋蒼然出塵其體有以
得乎木之澹靜深以涵其本培養獨先春潤潤居於物陰厚於鄰源流惟遠
萌蘖益新意天地絪縕五行之化其水木之秀獨有備於斯人

金華胡翰題

雲山

名公贊

貞房行壽五

丰姿

昂深窮孫吳之略淹貫孔孟之章欣然奮起欲獻策於轅

門遠爾勇退十於腕於錢塘卜築峴山之麓寄傲雲水之鄉噫斯人也其可

為樂天知命者歟

尚賈少卿同邑陳顯道題

素菴處士子蓀公贊義房行壽人

威儀楚也瞻視耽也堅貞清白爰號素庵藹乎其氣之有養粹乎其容之不
凡心能靜默量克包含友弟之誠出乎情性奉親之孝極其旨甘實後人之
軌範乃先驅之指南處事和平豈同世俗之態存心公正可與天地相參身
不踐夫仕路慶亡踵于佳男此蓋素菴之高致陰德之感召固非良工丹青
之可窺探者也

太子少傅崑陵胡濙題

又

瑩然寸心炯若雙眸挺孤松於歲寒懸素月於清秋從容杖屨逍遙林邱道

義淑身靜而自

噫斯人也蓋徐穉

心樂以忘憂不立奇以矜骨髓不隨俗以為沉淫

龐德公之儔歟

太子少保錢塘于謙題

又

善事其親克篤於弟構

上倫居仁里而明志故衡門澗阿雖自樂其

隱淪而鎖闥詞林終薦啟其胤嗣吾聞其先為東萊成公之徒延陵季子之裔是孝友文獻之傳家而可慨聲跡儀形之隔世也

翰林編修永新劉定之題

又

孝弟人之美德也昔賢以為仁之本則仁之為道莫大於是矣余觀少保楊文定公所撰東陽吳處士墓表稱其事親愛弟之行炳然足為世範非所謂篤於仁者歟

孫希純方為中書舍人顯揚於

朝所以為處

者未涯也傳曰仁者必有後於斯益信希純間出遺像示

余乞賜遂

以歸之

翰林學士吉水周序題

又

儀肅而靜貌豐而清孝友根乎其性敦篤見之於行惟尙志夫恬退何容心於代耕琴書之趣山水之情恣逍遙而分福逸坦蕩以爲生故啓其先者有宋龍圖之貴而承其後者有今中書之榮或云文獻相傳之有自或云仁者有後之可徵而我則謂其於斯人稱之非過其是而爲言之名者歟

翰林修撰永嘉周旋題

又

簪纓華胄詩禮相承師友是資庭訓服膺務躬行而實踐勉進德而含宏篤於孝友之道致於子姓之成弟久遠遊義顏堂而共處鄉名仁孝因別業之是營睦於姻族每有相周之誼信於鄉鄙常從取直之明式克垂裕後昆其徵

又

深衣幅巾溫顏和氣其行在躬其名在世雖未臻乎顯庸而慶流於後裔噫此古之君子而心與形似也歟

吳郡楊翥題

大理寺左少卿吉水廖莊題

又

其德之粹若瑩然之玉其氣之馥若盎然之春考槃澗阿以養淡素之操雅志林壑樂乎天性之真吟風弄月而得其趣聽泉洗耳以清其神此所以行超當世而尚友古人其殆屏山白水之儔而為萬天無懷之民者歟中書員外公在都署所圖大父素菴公小影集諸名公所撰并書行狀及墓表贊詞其原本書體不一圖章各極工緻延今派裔珍藏之

松江府教授王禮題

贈給

言公贊 禮房行壽九

有美六德

躬履仁服義處約守中出言而人聽心服教子而才贍學

充故能登科日而位近侍要持使節而忍拜榮封祠祭蒙寶楮之錫焚黃宜
勅命之隆龍光賁於邱隴冠帶省於儀容悚士林之瞻敬遺子孫於無窮

蜀府長史浦陽鄭楷題

煉仙子仲美公贊

智房行壽十

形清而癯氣和而舒早歲從儒味道之腴通先天之一竅悟太極之一書或
習定於虛室之內或探元於黃房之隅一拂掃盡羣魔一喝驚醒凡愚愛秋
蟾之皎也覽清風之徐也非元真子之儔乃丹邱生之徒歟

儒學司教河南程蕃題

西莊居士仲明公讚

元房行憲二

洪而暢金其聲也溫而栗玉其色也志之圓規之旋也行之方矩之折也樂
善不倦德之碩也用無不宜才之周也濟人利物仁之心也居仁由義幽人
之吉也富貴功名之不慕而詩書禮樂之是游也斯人也宜其備五福之綿

七而衍子姓之繩七也歟

行人司正金華葉顒題

贈稽勳員外郎卞隆公贊義房行寧八

溫乎其氣之和粹乎其質之清衣冠服今之合儀詩禮繼先之駿聲既孝愛於親長亦誠敬於友朋楚七者行之著表七者文之稱茲承先而裕後乃褒美而增榮是宜受寵命之華而後世有足徵也

太子太師太和王直題

成趣先生叔和公贊利房行寧九

神清而完氣舒而平有言有德不伐不矜事親能竭其孝養濟急曲盡於常情容人不較乎小忿式俗不事乎浮名擅材泉之高致結松菊之舊盟此其所以為太平之彥碩而有以垂慶澤於繩七者歟

蜀府長史浦陽鄭楷題

兵科

叔霖公像贊禮房行寧十四

學淑於身

用歷官顯庸律已端重事君不忘乎忠諫之勤事親尤叶

夫恩封之節其清譽於朝端肅儀型於言動是宜膺大任於明時而有以振龍圖聲光於南宋者也

大學士建安楊榮題

僊林處士原牧公贊

元房行仁一

敦樸自持詩禮自頤靜以修身儉以明志瀟散襟懷逍遙容與無諂無驕曰仁曰義儒者英風仙林美謚太師文敏爲銘昭著

中書舍人蘭江郭時頤題

雙清居士原愷公讚

元房行仁二

志圓行方心誠貌莊窮理樂天蘊藝韜光直諒著於三黨孝義重於一鄉厭闐闐之居隱湖溪之陽敦遺安而貽後揭存耕以名堂樂林泉八詠之趣玩梅竹雙清之芳名播士林猶芝蘭之茂於山谷年登耆壽如松柏之傲乎雪霜惟其德之修而吾之積宜其福之集而嗣之昌也歟

泉溪蔡安貴題

前陽居士希雄公讚

貞房行仁八

胸次橫廓儀度端莊讀書明律拯弱抑強樂善好施恤困周荒始託跡於南
城晚晦蹤於前陽悅詩酒之情趣愛竹菊之幽芳噫斯人也是宜德之積而
富壽且康嗣之續而貴盛永昌者歟

副都御史同邑盧睿題

梁山魯夫原寶公讚

元房行仁十

存諸中者靜而惟適於安發諸外者和而不同於俗惟以德而自修弗以賢
而干祿優游於梁渡之鄉嘯傲於東山之谷誠樂天之隱逸而安享夫五福
者歟

姪吏部主事昉百拜題

稽勲員外郎希純公贊

義房行仁十一

稟厚重之

易之德早從遊於邑庠獲觀光於上國因登名於禁林肆

留心於翰墨，衆進於大夫，勤靡間於朝夕，淡然視勢利而無營，藹然騰善譽於有識，此蓋朝廷之君子，鄉閭之吉士而足爲孫子之法式者耶。

翰林學士涇安商輅題

清逸舍人希莊公贊

禮房行仁廿六

其質之良，其行之方，事親也孝，處世也臧，才堪經濟而無心，軒冕高壘上九，而考槃徜徉，噫斯人也，雖不出爲邦家之用，實足以垂範一鄉也耶。

中書舍人烏傷王政題

養浩翁世深公贊

元房行德一

性敏好學，廣博知要，理明難經，志存易道，不求聞達，優游懷抱，秉菘韜光，藏器養浩，吁視彼衒玉求售之徒，何敢比於榮耀，豈若翁之高風樂夫情之所好者歟。

建寧知府同邑徐子玉題

處士世誠公贊

元房行德四

神閑氣定主敬行恕遇明盛之時著善良之譽秉義存仁明貧恤匱預鄉飲
之筵居大賓之位是宜配得其賢恪供中饋同登壽域而享五福之殷裕也
歟

弟文選主事昉題

文選主事愚莊公自讚元房行德九

世識我者文選主事不識我者山林逸士修竹寒梅是吾道誼清風明月乃
吾宿契孰謂吾愚孰謂吾智

文選主事愚莊公讚元房行德九

盛年六六丰姿粹玉栗然溫然偉矣其淑榮名顯親儀度謹肅祝爾遐壽介
爾景福

叔稽勳員外郎希純題

又

天姿粹美迥
守倫檢身惟謹蒞政惟勤克稱其任令譽日聞龍章褒美榮

及二親

副都御史同邑盧睿題

又

立志惟崇篤學無倦科各進身銓注文選謹飭勤能羣寮稱羨

御勅褒嘉光美文獻

按察副使同邑杜瑄題

又

溫雅俊峭孰與之同惠風和氣秀嶺喬松榮膺顯職聲譽日隆克稱棟在鳳
勅褒崇

監察御史同邑李敘題

又

學識博洽議論風生詩情飄逸氣宇清明天官主事職任匪輕甄別士類資
佐銓衡

江西按察僉事王迪題

又

雙峴鍾秀篤生俊英三年積學一舉成名典領文選政績有成身榮親顯闕里光增

山東叅政泉溪蔡安貴題

又

天昇其質聰俊明敏窮經索典義理詳盡含英咀華組織雲錦佐理銓衡克發其蘊

翰林修撰天台杜寧題

常德府同知鳳翔公讚元房行德十

揆天摘藻不離文場才高南監名重東陽一朝遴選三守黃堂國期大用民仰清光噫斯人也蕩匕乎畱福有餘奕奕乎值世無疆

鄉進士豐城聶瑋題

興國州正勉公贊 貞房行德十七

生長名門英資獨善發身泮庠貫通經傳太學榮遷蒞官清廉翻然歸政五福綿亾

知東陽縣事宜春聶魯題

東閣居士世進公贊 義房行德四十二

衣冠古雅襟度雍容粹乎其外耿乎其中味道腴於至理蹈行義於厥躬敦友愛之情以篤懿親居仁孝之里直追古風噫玉蘊璞而山輝珠沉淵而澤潤若斯人師表於一鄉吾知其鄙寬薄敦而又奚問也歟

翰林侍講齊郡馬愉題

西山處士孟平公讚 元房大化行成二

容端而肅心淵而夷處世以和易自尙律身以簡重自持克繼先志也而光大乎居宅聿修厥德也而慶衍於孫兒噫斯人也其能光前裕後永可爲子孫之法則也歟

無錫教諭同邑卜垠題

南川處士孟璉公讚

貞房行成七

延陵華裔南岑逸民能敦孝友克篤彝倫一生樂善八秩餘春欽承明詔冠帶榮身

儒學教諭華亭傅迪題

福建理問孟立公贊

元房行成十四

文選世家理問閩藩積學有成讞獄無冤行淑於己清著於官忠君澤民保障周殘榮歸畫錦具慶同懽

鎮海經歷福建王珪題

西峴居士孟祗公贊

貞房行成七十九

爾才而良爾貌而張年登弱冠身遊邑庠既而脫穎應被顯揚噫天錫之永年則將大有濟於茲世而豈止於斯也耶

叔文選主事昉題

仁谷孟明翁贊

義房里仁行成一百十

性直量洪貌偉心公惟德自樹惟義自從恩溥於物善積於躬意若翁也是
宜為郡縣誌錄院憲褒崇繼先聲於不替貽後慶於無窮者也

郎中金華姜綱題

退修處士孟京公讚

禮房行成一百十八

晚蘭晦蕙雜以杜衡考祥於履幽人之貞
郎中金華姜綱題

題退修處士孟京公印園賁德贊

退則於印園矣能修則可以賁德矣書此尙有以勉其實庶幾為茲鄉之表
焉

金華知府三山陳京題

約齋孟韓公贊

禮房行成一百二十二

粹乎其資恢其植懿乎其才卓其識獨立廟門孝可徵不續斷統義可別顧
先夜臺兮松楸旋蝕感夢歌章兮由衷而激於戲公其逝矣吾何景德徒閱

儀形於焉太息

郎中金華姜綱題

太僕寺丞三邱公讚

禮房行成一百四十九

儼乎惟翁之貌凜乎惟翁之風垂紳搢笏肅肅雍雍人知其為莊栗渾厚之
度而不知其為文學政事之宗早掇巍科仕奏膚功峽江桃李春色融也臨
淮琴鶴夜月溶也入典太僕毘美皇躬拜瞻遺範追慕芳蹤將臨別以贈言
愧未盡乎形容

僊居宗姪時對題

梅菴處士懷信公贊

元房泮西行宗八

粹乎其容肅乎其矩跡混塵寰心遊太古嘯傲梅菴孤山之侶桂子蘭孫寶
綿遺祐

監察御史山陰朱節題

輔陽公讚

元房行宗十七

緬想生平古人風格幼嗜詩書壯遊頽壁無志圖南逍遙泉石寢廟攸關囊
金勿惜宜壽而康光榮賓席乃知玉樹之芳輝莫非先生之遺澤

夏山張大輪題

西疇逸叟懷衡公贊

貞房節孝行宗一百二

詩禮繩七義教之方威儀楚七德蘊之光其立心也端其制行也莊其居家
也理其處世也臧噫若人也宜其擅西疇之泉石慕松菊之柴桑副逸叟之
名實高千古而彌芳也歟

郎中金華姜綱題

旌表孝子桐庵公贊

貞房行榮七十

嗟哉孝子無忝所生陳情表節濱死不更廬墓追服秉心克誠
聖朝恩典褒賜雙旌

知東陽縣事晉陵吳希孟題

鯁庵處士汝瑤公贊

貞房行榮八十四

立心高古用意超常外方內圓不柔不剛矢心欲助成于祖廟胡天不憚爾
于賢良噫天豈無知畀爾子孫彌盛彌芳

儒學教諭舉人武陵閔廷圭題

峴溪子天源公讚

貞房節孝行榮百九十九

爾貌而揚爾儀而肅詩書自頤道義自淑孝友克敦綱常克篤展也君子允
式東俗

仙居宗叔時來題

明山子天德公鏡顏贊

義房里仁行榮三百四十七

惟爾明山惟東之傑天性孝友襟懷率直德紹前修聲聞奕奕善啓後昆詩
禮秩七恬居里仁上追前列好由義路竟追明哲

副都御史烏傷虞守愚題

崖州學正西峴公贊

元房泮西行富三

儀容儼雅問學淵源峨冠博帶吾人之望錦心繡口吾道之光其始也筮仕

東魯泗水流芳其終也進擢海南各振殊方所以見重於朝廷而垂範於鄉邦也歟

九十翁烏傷龔象題

養全先生仕正公贊

貞房吳院行富一百九

孤幼失學冠入迷途覺乃急返從事於儒德不修而致七勇往貧雖甚而熙熙自娛或遊山玩水或展卷披圖志有定趣百折不渝誠盛世之遺逸乃後裔之範模

封主事八十二翁永康方峯程梓題

南橋仕元公贊

亨房行富一百廿五

疇豐其才疇嗇其遇天耶人耶於君何與鴻飛冥七遐邇欣慕譽者風生從者星聚器識汪洋雅如叔度品以言傳千秋如晤

常德府知府邑人王嘉亮題

巽齋公讚

元房行貴一百廿四

訓垂詩禮紹書香清鑑猶留俎豆傍毛鳳一庭承揖讓人倫五代見冠裳高
才自足儕前哲淵學真堪啓建章試看雲祲傳世美培蘭植桂繞餘芳

邑令蒲坂姚思恭題

忠源廷撫公贊

亨房行貴一百三十九

峩峩而冠楚匕而服其風也高其貌也樸行素寡營晏如自足識先風塵作
青白日觀其岸然自命固已逼真古人復絕時俗

館甥王元藩題

又

畫水之旁峴山之麓天產異人古貌絕俗觀其儀形氣清神肅我因其遺裔
之彬彬乃知君生前之非碌也

刑部員外郎虞山王澧題

廷桂公序贊

貞房行貴六百六十六

余門下劉叔子受 簡命蒞東邑余因問俗考風策馬來臨覽其風土人物
里巷歌頌頌慰焉竊欲追阮籍逸情主承直郎候選州司馬杜緯翁家盤

桓數月率其令坦吳子季薦諱學藻者來謁余快然曰士先器識而後文藝
吳子恬靜寡營其器識也有聲膠庠其文藝也雖然植根不厚者枝葉不繁
詢及先世諱曰攀字廷桂翁者是乃祖杜子爲余言最詳且悉且出其遺像
乞贊於余也因知桂翁少失怙奉孀母至孝撫同胞二幼弟友愛中不忘規
正幼業儒繼而樂志林泉有五柳風性慷慨磊落不羈凡所施與無吝每值
歲饑累出米穀賑貧乏當城隅紛擾時饋酒肉以餉戢士郭內外賴其捍衛
親戚有忿難力爲解排且捐地以爲義壤人皆得所歸立以故里人相聚而
談曰此陳君實也吾輩倚爲斗山蓋其威儀敦厚梗概淵淳襟懷和暢語言
樸訥皆植根之厚也宜其枝葉之繁乎因語劉子曰汝治南若吳子季薦其
識面耶劉子曰此不徑不竇者時下徐孺之榻而不爲陽鱉之魚蓋其音金
玉也因道厥祖之行而劉子亦曰真大易所謂餘慶者矣翁娶孫氏貞慧賢
淑姆教夙嫻克紹姑之庭訓生二子長泰翁次素翁俱遊庠學藻乃素翁之
子桂翁之次孫也行將觀光上國其仍孫又燕繞鱗集指不勝數使桂翁而

在今若宋楊卿梁上之兒其黠領之樂又當何如哉翁晚年娶側室呂氏復生一子而家庭之和氣藹如悉翁之盛德所致余既序其始末爰撫其遺像而贊之曰

似孟如黃敬侍萱堂同根並蒂華萼垂芳齊眉舉案梁鴻孟光鮒魚涸轍不惜傾囊家庭敦睦恪守循墻謝庭玉樹雅擅青緗惟翁蔭庇羣鴻踉蹌翩上天衢健羽回翔

翰林院修撰沈涵題

廷臣公贊

義房行貫重八百八十一

吁予不及見太翁之爲人矣得步其合子毅公聞毅公之言不覺肅然而起敬也翁處艱難才足濟之翁見困厄力能援之存歿一心孰不義之一經遺子子能讀之軒然俠骨挺然英姿展公遺像如將見之

鶴潭王崇炳題

又

是吳太翁之遺容耶予嘗聞其梗概矣翁有俠骨如魯朱家脫人之厄而其色不夸翁有至行如王彥方化人之暴而德被其鄉豈惟一鄉惠在通邑鹽莢借籌禁飭暴卒積弊頓除細民貼席翁之才之德人孰能焉謂之君子其誰曰不然予辱與令子也善拜手音容敬爲之傳

梧岡李鳳雛題

廷發公贊

義房行貴九百

有酒莫飲漢孔光有劍莫贈秦舞陽俯首貼耳心已灰安能千載鬚眉張延陵才子真奇絕皎如玉壺清如雪冷眼看他世上人肝腸傾倒偏能熟少年樹幟雄文壇醉後高歌行路難千金屢散手不惜一飯已報顏爲歡拂衣臥看東西峴滿題詩句青琅玕魯連長往陶朱死倜儻風流今已矣獨留古貌在人間照徹畫溪千尺水

兵科給事中新昌呂燭題

又

言尋山水區渺北至東邑甫謁張夫子遂造幽人室吳氏負雋才侷儻無與
匹藹々坐春風初交如舊識攜手登北堂深邃不可測蘭蕙繞前楹老梅兩
行立清齋澹無事掃榻容憇息翩々見諸子五枝又過一崢嶸露頭角長君
尤傑出總非便能文弱齡遊泮璧淑氣萃一家開筵晏新客飲我以醕醪啖
我以棗栗盤供山海珍呼盧浮大白袖中出一編光彩耀几席曰余先君子
小照存遺迹壯歲雄詞壇卓哉萬人敵氣誼薄雲霄賢豪相矜式熱腸急人
困千金殊不惜而今長往矣對之生感泣反覆展此圖古道照顏色俠骨千
載香肩宇如可挹奕世仰儀容曷哉思祖德

進士鶴湖許湄題

毅公學兄先生贊

義房行傳九百六十一

咄々毅翁吾於爾有二年之長我則老矣而爾之顏亦如是也與爾締交追
維疇昔吐論風坐形采玉三跌宕文史馳驅翰墨頃刻交成千言一筆一夫

登塲羣喙皆息十三應舉才仲仍細時耶命耶戰非不力歲月蹉跎頭鬢皓
白仍賈餘勇背城借一子且休矣與子偕息峴山之陽佳木森立清波浴七
砂明月白一觴一咏聊以永日怡情希夷栖神一極

鶴潭王崇炳題

赤生公序贊

義居行傳九百六十五

余蒞東且九年矣與諸紳士交情好日深相得懽甚有同宗子敷九往來尤
密其人慷慨好義凡所陳說井然具有條理而氣度彬雅綽有大家風範余
甚器之嘗詢其家世知其所稟承者厥有由來也乃祖廷敷先生當閩孽倡
亂以諸生叅謀制府用能掃殄寇氛保全桑梓又能留心學校捐資倡建使
殿廡翼然得今日者皆其力也後人思其德請於當事從祀鄉賢行事備載
邑乘勿煩贅已尊人赤生翁早歲遊庠潛心積學思繼先人之志礪廉隅慎
行檢擇言而言擇地而蹈惟恐隕越以墜先緒而其至性肫摯更非輒近所

可及當廷數先生率軍旋婺搜討餘孽力竭病侵殞於中道翁昆季六人方
挈家避亂潛竄窮鄉訃至議者令長君前往扶柩餘子在室屏當家事翁行
居三仰天號哭曰先人尚留旅舍何以家爲泣血偕往柩行執紼前導往來
數百里兩足重胼不自知瘁先是母病怯翁甫弱冠親侍湯藥朝夕不離者
三載如一日也其事兄如父撫弟如子友愛之篤實惟因心平居怡怡無間
及行有違失則必反覆規勸冀其悛悟幼弟以墮案被誣司讞者惑於人言
將文致之翁不避艱險力爲營救乃得釋其一本誼切如此與人交坦率不
設城府而端方嚴正之氣凜然與人以不可狎膠庠之中奉爲軌範古所稱
有道之士其庶幾乎敷九仰承遺訓束身礪行善自樹立上冬學使臨婺訪
求端士余以敷九名列薦蒙咨內部行當上邀簡擢所以顯揚其先德者可
拭目俟也茲敷九奉翁遺像請爲題贊故不辭醜糺備書所聞以識欣慕之
意乃復爲之贊

贊曰

江河源遠其流斯長草木根固枝葉蕃昌君子抱德積厚用光翁奉先型克自勉勵天性是敦既孝且弟持躬嚴正慎守廉隅規行矩步尺寸不踰行不飾貌言必由衷品尊庠序望重葵東有美世濟垂譽無窮遺容儼若共仰高風

茗溪宗弟大煒題

季位翁喜顏贊

元房行各九十四

接其丰裁恂匕如處女聆其馨欬藹匕如吉人景其儀型可尊而可親構日涉之園與花鳥為酬答坐斐綠山房以松竹為比隣品並乎喬嶽量足乎淵停時伴君而探梅時對君而飲醕觀膝前之珠樹擬圭璋特達鳳閣蜚聲

山陰陶望齡題

季鳴翁贊

元房行各二百三十七

遠離城市厭煩囂也僻處鄉曲慕仁里也上不慚乎祖德克光前也下不愧乎孫謀能裕後也信乎篤行之品儕也誠哉良善之模範也

得盛公贊

元房行崇百十二

虞光儀題

魁偉其貌佩玉冠裳稱仁道義餘音遶梁臨池潑墨珍重藜床讀書觀史學
足奚囊繼而林泉自適卜居西部之陽好施樂善號爲君子之鄉何白鷄一
夢夫婦繼亡初登艾服雲外徜徉咄嗟太息吾將問乎彼蒼

進士鶴湖許湄題

墨菴公暨三太君序贊

義房行崇三百廿五

南岑墨庵公以黌序翹英貢名於雍余於弱冠時樂炙其光焉丈夫子四
伯明經希鎧叔季文學希錯希銓木香李太君出而仲希鈔黃少君出影
祭一堂已數十載歲在乾隆屠維作噩黃少君曾孫堅欲拆祀資以各祭
所生而李太君諸孫以勢難復合勉徇其請因重貌墨庵公像與李金李
三太君合爲一幅并附以李所出子媳六裝潢旣葺道其本末請贊於余
余墨菴公紀群好也誼安能貸

贊曰

形厚而清氣嚴而肅秀眉脩髯風標謬也吾猶及公南岑名宿惟公之文中

原有菽惟公之才白麟奇木如珠躍淵如玉鳴犢未炫其光

公十試棘闈不獲售如補邑丞未任而沒

貽孫有穀孝友性成聲稱宗族彥方化盜黔敖施粥里社有公如行吹谷北

堂齊徽丸熊課讀土樹干霄荆花羣馥子又生孫慧心便腹中林蕙蘭聯膺

天祿積善必昌植德獲福竚待

龍章流輝輦軸

清溪徐愛蓮題

栗山先生序贊

義房行崇一千止四

吾鄉去東陽幾五百里乙巳春吳竹坡以詩寄示并郵乃翁遺容命余贊

其嶺豈以余蓄道德而能文章如曾南豐所云耶抑亦以余故往來知其

人如歐陽與文簡公耶竹坡之意亦懇矣哉回憶吳寧書院中與竹坡同

侍孫遲舟師時栗山公器余以為金馬玉堂中人今倖各第禮部而公之

墓木拱矣痛老成之已謝幸典型之猶存

贊曰

公之腹胡便七公之文胡麟七公之言酌經秉雅公之躬抱義戴仁而其容
之翠竹碧梧鸞鵠停峙者閱四時以常春是宜珍待聘于黌序羽用儀于成
均申錫兮無疆永燕翼乎後人

歸安慎學韓題

蛟門吳先生引贊

元房行敬四十六

先生延陵裔也諱曰希濤字曰龍起世居南岑懷瑾握瑜爲東邑名士矯
以若羣中鶴以論春秋與茗上沈度汪甬上萬授一兩詞翰爲莫逆交聚
古今奇書幾滿鄴架所著有詩文名松樓集若干卷纍以幾十萬言無不
以婺州絕學爲已任想其襟期不亞季仲也奈屢躡場屋得而復失者三
僅食餼未及大展所抱嗚呼李廣不封劉蕡下第千古同慨矣至以岐黃
之善術普濟世人詮感應之格言警醒迷途東人士咸追念不忘余蒞東

五載耳而食之者久倘非盛德感人焉能久而益傳今荷

欽命內擢主政謝簿書偶寓於森玉堂其子國樑能文章為予賞識捧乃父遺

容丐言於予以垂不朽爰為之贊曰

其骨峻也其神朗也軼群之才四國之望金相玉質終焉允臧宜其為之後
者丕振家聲以發潛德之光

邑令姚思恭題

時登府君贊

元房行敬百三十六

尚義延陵芳風未息藹也吉人勤其祇植中順發華表襮不飾及人必周奉
已惟齋辛未告飢里閭顛踣解囊饑者得食遂佐縣公幹事逾力家至
戶曉恂忱膺臆鞠凶就平心還用惻啓拜庠門禮儀翼也酒醴一樽和顏玉
色何以額之擬碑陳寶碩德耆英為來者式

拔貢盧

標題

南岑國學抑齋先生贊

臧房節孝行敬八百四十五

淵淵乎學深養邃亭亭然超群出類幼而業儒長而應試鏖戰文壇才堪拔
幟屈於數奇姑臧利器拳匕守一善斷匕無他技讀聖賢書行仁義事定省
高堂諧和昆季教子以經制事以義志在青雲終不詘置乃入成均壯懷攸
寄內蓄幽光外標逸致吁嗟乎西峴巍峩南岑青翠先生之風亘古不墜

皆

嘉慶乙丑清和月之朔

特授浙江杭州府新城學司訓

眷弟陳嘉瑞拜

君大府君贊

禮房行敬九百四十五

英偉之貌昂藏之軀星曜之目蠟磔之鬚氣恬心逸意曠神舒重友愛于昆
季解紛難於鄉閭寄幽情于松菊盟夙好於鷗鳧引壺觴以自酌味麴蘖之

芳腴課兒孫以經史樂山水之清娛振家聲而奕奕壽臻花甲而有餘而惜
乎昔年東床之屬望而今尙寄乎憑虛

孫壻趙睿泉題

喬林吳公贊

元房行資五十

卓爾丰格金相玉質懋爾學殖酉山石室裊躬自嚴於臨履傳經先重乎器
識族黨有公評當道多矜式迺如之人兮胡爲豐於聲譽而嗇於厚秩其伯
道之流亞歟抑踵明道之芳蹟

教諭戴文燈題

又

青緗世業黃卷孤燈南岑棲跡東國傳經芝蘭其味冰雪其心咄哉丹青能
肖爾之顏未能繪爾之神左瑤棊右圖史花鳥爲友風月爲鄰烏知其脫然
於塵俗之表而嗜慾之不擲超然於功名之外而寵辱之不驚是之謂吳澹

人

春臺杜時芳題

中士吳朝奉贊

元房行資百五十七

適惟西序造德之區振纓戛佩填溢鴻都不有君子過為世模珽七先生毓
質璠璣騰蛟夙望禮門自趨枕葑經史咀味道腴恭慎沉嘿言與理孚尤勤
張邨不較錙銖乃知郭震意氣非粗扣門輒應薛趙嗟吁晚研數卷素問靈
樞間資攝養流視桑榆乃如之人遺像在圖我疑巾帟翔步天衢

拔貢盧 標題

宗源吳太親翁贊

具房節孝行資二百九十八

延陵宗源公上舍生 例授按察司照磨諱應棠公父也 制贈如其銜生
有慧業髫稚即能文動輒千餘言試有名而體素羸弱功漸進神亦漸耗乃
不久地下修文矣甫踰冠蚌珠未剖鶴髮在堂胡矣天之不備耶然天靳其

年不靳其福當時以一髮繫千鈞今子孫林盛世代書薌身後之榮仍不負
生前之學傳云不於其身於其子孫信然曾孫振儀輩體祖父心請著之像
端故以耳食者質實書之其言曰

不必箕尾降傳說不必長庚謫李白羽毛豐滿胡斂翮駕鶴長遊碧雲碧
吁嗟乎令人撫擗別其璞兮碎其璧憶子敬之亡琴兮悵阮孚之塵屐檢
遺文於敝篋兮儲字青而石赤啓楹書而卒讀兮泪紛紛其兩滴報德罔
極兮撫今追昔象服圖形兮合名無執

昔

道光二十年歲次庚子冬月

丙子科舉人 大挑二等授蕭山縣儒學以教諭銜管訓導事

姻晚生盧梁拜題

丹崖吳夫子贊

元房行實三百八十八

懿我夫子著望延陵裔康肅後亢跡蛟騰五湖之里勃焉振興天挺奇姿十
行並下讀史披騷六經枕藉數千萬言雄鋒激射初膺召試後上春官虬姿
潛媚鶴翅空盤舉世咨嘆功名寶難詎知夫子道凝於獨遇不外驚學求自
足江都下帷汾亭鼓曲悉心啓迪垂五十年鑄人能事模範昭然如標弁質
亦與陶甄仰此德容丹青舒寫載拜登堂光風之下頌述大端敬示來者

門生盧 標題

中興尊兄贊

元房行賓六百二

渾々噩々古道率先怡情斗酒稱醉中仙課晴問雨南陌東阡肯堂肯構心
田福田光榮賓席典荷引年貽謀耕讀蘭桂盈前

族弟 森題

君柱尊兄喜顏贊

元房行賓七百七十八

林泉坐愛號曰山翁味道之腴有儒者風栽培桃李春色融々桑麻火話晚

照霞紅解紛排難善積厥躬修學建寢尊祖敬宗年逾杖國齒德優隆祝兄
壽考綵舞庭中

中章吳府君贊

禮房行賓八百四十八

族弟 森題

太白昂岫玉溪漪漣峯巍水碧吾翁世遷確遵祖懿渾噩相傳學愚學拙非
隱非禪山林真趣耕讀為緣高懷雅度瀟洒若仙義方五桂郁岵塔前齊眉
舉案矍鑠稀年

國恩榮錫洛社輝聯合終令德五福斯全

子堦趙睿泉題

國士公像贊

義房鶴和行賓千三百七十

網峯聳翠南澗縈流碩人邁軻矢志清幽胸懷恬淡德性潛修紛華不尚古
處為德翁惟主器善紹箕裘幼年勵志安飽無求壯遊槐市閭里揚休堂構
斯肯阡陌步稠義方垂訓鉅獲共由童顏鶴髮扶杖優遊乃翁雅望洛社名

儔儀型裕後風韻千秋

斐園吳老先生贊

貞房節孝行賢二百十七

斐園公以遺珠失怙少失恃寄食於世父比長仍自立家性勤儉器識過人
不相於祝融能以刻苦復厚貴義方式穀文章韜略蔚爲國華乃負恨臯
魚由國學晉爲按察司照磨制贈考妣如其銜其生平行事最著者曼碩
寢廟凡八年雖尊長猶敬畏之建試院首尸其事歷十寒暑急則藉以已資
事賴以成不數年而冢孫振儀儔於公手不可謂天之報善人不速也公
本精明而以渾厚善其用共尊爲醕謹老成云爰書之像端以見其概詞曰
孤松抱質明珠匿光光不發不知其盛質不用不見其剛宋處宗之鷄養
之有素陶元亮之菊淡而彌芳敦篤乎藝倫之地肫誠乎桑梓之鄉不自
知其積之厚可共信其流之長宜乎茂晉公槐種謝庭玉後先絡繹以生



香

昔

道光二十八年歲次戊申春月

誥授通議大夫前任湖北按察使司按察使兼理布政使司加三級紀錄五次

姻姪程 銓拜撰

鳳凰堂姪贊

元房行賢二百四十二

伊稟性之昭螭以幼冲而失怙即持重而老成用克繼其祖武與人唯好是
正直柔不茹而剛不吐以是纘承世業倍增土宇皆其履信思乎順故能邀
天之佑得人之助惜不予以修齡徒令後裔傳述而追感于徽猷之莫能再
覩

從叔國墀題

又

神清鵠立儀蔚鸞停松翹其秀蘭發其馨內美含章中沈抱惻孝敬所推茲

芬是飭宇文仁恕子野冲和枯噓惠凱涸轉清波卽其緒餘振爲華藻辟雍
既經德藝是考庭森杞梓階茁蓀荃冀後來者瞻跂維虔

定溪盧 標題

謙齋公贊

貞房行賢六百十一

璨七虹玉熒以元珠荆山赤水自葆芳腴伊我故人績學累德珪璧之型孝
友是式既永以譽胡促以年古錦心嘔爲渠問天歲在龍蛇數阨陽九修短
隨化達人順受閨有賢婦能奉慈幃冰霜自凜甘旨無違玉樹一行載慰泉
路我瞻斯容泣然道故

研弟杜立階題

桂坪吳老親翁贊

貞房行鈔百五十三

公諱步蟾字炳然號桂坪 先太親翁斐園先生舉二丈夫 公其主器也
數十年上叨厚庇兼以壘簾協律琴瑟和鳴直似遊太和元氣中渾穆無垠
比析荆幹濟有隸鄂 公習於庭訓始終不渝惟日以觀書養性爲事抑且

潛心河洛業堪興而精者輒倒屣迎之誠利己利人之學也遇邑中公事肫
然坦然無圭稜氣無芥懣心壽踰八秩偕老齊眉子若孫錦衣環座何樂如
之歸道山追重有聲見其像鬚眉活現但不能作聲欬聲耳湖略形懿德亦
畫工之丹青也贊曰

性純乎天道踐乎人學衷於是藝底於真知其寢饋於古人者正準繩乎
嚴訓者馴是以里閭樹望庠序稱賓備汾陽之福而猶箴警於未知既耄
與淇園菘竹長新

昔

咸豐元年歲次辛亥冬月

咨 部優行壬子科 恩貢候選儒學教諭

姻弟韋 潮拜題

嘉義公像贊

元房行新城錄
重五百六十八

公諱嘉義字公仕系出延陵厥考諱應耀公耕讀守家潛德弗耀公克體父
心為人恂悞口不雌黃樞家政幹以勤儉權出入謹橐鑰家益隆然阜起而精
而能散有以義告者惟力自視悉應之無慳吝心里人隳之繼一子友繼友
紹其為石麟平享年四十有六爰跋遺像為之後者僂乎見之贊曰

敦龐其性樸質其容澁村一水以滌塵胸無懷葛天我心藏寫太璞之完
示後來者

昔

咸豐七年歲次丁巳三月之吉

眷弟徐 江謹撰



Blank manuscript page with vertical columns and a faint red seal impression.

東陽南岑吳氏宗譜卷之三十六

○贈序

贈西莊居士盟鷺樓詩序

元房行寧二

盟鷺志清適也盟之法見於周禮而盛行於五霸所以要神明以固人心今舍人而盟鷺以鷺愈於人人不足與盟而與鷺盟謂之清適亦有其說耶盟人勲業之事也盟鷺蕭散之情也惟其蕭散故謂之清適黼爲軒冕之用各隨其器滄浪新楚之人各適其趣而已此西莊居士吳仲明之樓所以有盟鷺之說也仲明宋少師康肅公之十一世孫其樓虛敞而幽潔直俯清池之上池當山址廣袤數十百步卽仲明所浚之筍竹塘也群鷺日集於池俯而啄揚而飛不驚不惕意甚自得仲明與客縱觀而樂之顧與客曰是鷺也已忘其機吾欲與之盟以爲忘機之友客曰仲明蓋清適者也與鷺宜遂以盟鷺名其樓士大夫皆歌詩以發其趣請余序篇首仲明與余交雖新而意甚古且同得蕭散之心者也故不辭而序之



昔

永樂十三年乙未春三月


翰林院編修

天台張廷璧撰

送叔霖吳公之任行人司正序

禮房行筵十四

周官有大小行人後遂著於春秋歷代因之迨乎我朝尤重其選以其奉
 承王命宣播四方必有專對之能而無所辱者乃為稱職自非忠厚恭謹優
 於文學達於政事長於言語者不得居於是焉東陽吳澤字叔霖敦實溫厚
 昔游鄉校勤敏好學凡藩臬大臣行部至郡皆奇異之永樂甲午以詩經領
 鄉薦明年會試禮闈登進士第為翰林庶吉士出入內廷小心慎密練習機
 務弗懈而職如是者凡三載蒙恩授官行人未幾遷南京司正將行中書舍
 人天台陳宗淵素與相好迺求士大夫為之賦詠以壯其行屬予序其篇端



夫君子之仕也所以行其學展其才學有所不充不足以成名才有所不逮不足以爲仕若是者雖或授之以職烏足以稱哉且夫是官之在奉職朝廷無簿書之繁冗巡歷郡國有四牡之光華然而旬宣諮訪之間尤當有所裨益其職豈不重歟今叔霖問學之進得列乎科目之中歷政之榮得處乎嚴密之地其習之已久行之已熟而凡政務之宜皆有以會之於心而無弗悉焉則其居是職必能體朝廷任官之意而於宣揚德音出使遐遠應對之得體措置之協宜不辱上命不取外侮清名峻節偉然顯於當時無所施而不達斯可謂能展其才而行其學矣孔子曰誦詩三百授之以政不達使於四方不能專對雖多亦奚以爲又曰行己有恥使於四方不辱君命可謂士矣叔霖明於詩而學於孔子者也其必有以深知乎此而求有以稱焉故予特舉二者以爲贈

賜進士第翰林院學士

建安楊榮拜撰

送兵科給事中叔霖吳公之闕序

禮房行宣十四

宣德三年春正月天子念軍政之不修勅選給事中監察御史之有才行者分行天下察理其事於是兵科給事中吳澤字叔霖與予鄉友監察御史戶崇高當之福建叔霖世居金華東陽宋有諱洪者受業於呂東萊官至浙東提舉乃少師芾之仲子實叔霖之先世也叔霖能步武前美以名進士爲庶吉士轉行人遷司正超拜是職綽有聲譽天子推恩追贈其父爲給事中母爲孺人錫以勅命叔霖將謁告焚黃墓下而適有是行同列榮之相率賦詩贈之而求予序予謂古君子之使於四方雖急於王事而未嘗忘親蓋孝子忠臣之道所當然然而有不暇顧其私四牡之所以詠嘆也由是言之公義私恩而獲兼盡焉者豈非君子之所願哉金華閩之孔道也凡往來者必至焉叔霖之去無曠日之久迂轡之勞而已卽其地則公義私恩蓋兼盡矣宜乎諸公歌詠於其去也夫封贈之典予誥之恩皆仕者之幸也然如叔霖以使事之華而遂顯親之美者少矣况又天子之所選擇而仕者之榮幸有加

焉則叔霖之親雖不獲被其身然沒而有知其慰悅可知矣鄉之父兄長者見叔霖之賢而膺朝命之重以榮其親如此其孰不嘆且羨哉然忠臣孝子不如是而止也苟德業益隆則其爲榮益盛君子又於其後觀之矣用是以冠贈言之端庶乎其有益也至於被服之鮮麗騎乘之安閑趨呼僮從之雄富赫然聳鄉邑之觀如昔人所謂衣錦之遊而足以自快者非予之所道也奉政大夫右春坊右庶子兼翰林院侍讀學士兼修國史

泰和王 道序

又

宣德戊申春正月既望兵科給事中東陽吳君叔霖以才稱厥職榮膺勅命得贈其父仲吉爲徵仕郎兵科給事中母呂氏爲孺人援例遣家焚黃祭告行有日其同寅金君文英杜君瑄謁予言曰叔霖與予二人居同館學同門仕又同官與余往來情且密幸一言以爲贈予聞之不知喜之形於色也嗚

呼何東陽之多賢哉皇明以六部總理天下庶務慮執事者奉行不謹特做

古設給事中以審察大政廟堂謨謀必審其精粹而出之百司奏報必考其

中正而納之其乖程式作聰明以紊憲章者必條例而糾正之自非才識精

敏敷奏詳雅心術純正之士曷克以稱茲任耶今婺之東陽一邑而三給事

同任兵科咸彰聲績是何邑之多賢哉夫婺為文獻之邦賢才之生士習之

端端伯仲於浙東諸郡而理學一脈實在於金華若宋之呂成公何文定公

王文憲公逮叔霖之先世康肅公元之金文安公許文懿公至我

朝宋學士蘇編修戴九靈胡仲子諸先生皆表表倡道於當世者也則非諸

郡所能及蓋以義理明則士習正士習正則孝義著人才出固其宜也東陽

多賢夫何疑哉叔霖是行拜邱隴尋故舊孝義行於身理學傳於人俾鄉邦

子弟儀型成德無愧昔人彬彬焉于子焉出而致用天下後世皆曰東陽多

賢則浙東諸郡亦與有榮焉二君因示送別小景遂書燕言於首能言之士

詩以繫之

中順大夫詹事府少詹事兼翰林院侍讀學士兼修國史

廬陵曾
榮序

又

太宗文皇帝在御二十餘歲稽古右文前後策進士者凡八科前之四科則臨軒於南京後之四科則臨軒於北京南之初科爲永樂甲申今大學士曾榮榜同登者四百七十三人北之初科則今翰林侍講陳循榜爲永樂乙未科同登者三百五十八人恩榮次第皆有加於常例故進士得人獨此二科爲最盛士之出於其間者文學治能必表表非凡豈非人才之出有關於國家氣運之盛者乎若今兵科給事中東陽吳君叔霖蓋乙未科之表表者也吳君實宋少師康肅公芾之十一世孫早遊校庠以詩經領鄉薦歌鹿鳴而來登甲科拜行入司正嘗持節行四方綽有聲譽遂得超拜今官立朝有剛介之色遇事有明敏之見疏駁章奏宣布命令凡百舉措允合公議出是公卿

大夫百司縉紳之士莫不欣慕其賢聖天子紀元之初膺受勅命考妣妻室
俱得贈封如其品秩今年春朝廷慮天下尺籍伍符之不修妙選廷臣之公
方詳練者奉制諭以清理而綜核之吳君得分治閩中入郡君因陳乞便道
歸故鄉掃先隴而行焚黃之禮詔許其去且循例給賚交游之士咸以爲榮
相率屬予言以爲之贈夫吳君以名進士爲天子近侍之臣當功各烜赫之
日得祇奉勅命以歸故鄉其遭遇爲何如哉且其歸也又得乘使者傳車擁
高蓋駕駟馬以照耀乎桑梓比之昔人畫錦之榮復何以異然予於吳君重
有告焉夫忠之與孝人臣之大節也經曰立身行道以顯父母孝之終也蓋
盡心於國卽所以顯其親忠孝豈二途哉君久於其職旣能恪恭乃事以無
負國家優待近侍之意然則今之歸也又豈肯眷戀松楸而忘朝廷付託之
重乎吳君慎毋久畱焉異日還朝吾知其顯擢又將有待也

昔

宣德三年歲次戊申春正月旣望

賜進士出身翰林院庶吉士奉議大夫越府右長史

豫章周

忱序

贈希純吳公授任中書序

義房里仁行仁世一

東陽希純吳君嘗以俊秀著名邑庠經學之餘尤攻書法自大小篆隸真行諸體無不各臻其妙肆筆圖貌亦有雅趣且其爲人敦厚謙恭言行交慎具是才德歉然若無有於己者文選主事從姪偕邑之大夫交薦起之希純來京上特命入翰林俾進所業希純在內凡數載業日加進閣中諸大老先生或觀其揮灑或見其文詞或察其動止一皆致重與修玉牒賜賚優渥甚盛遂授中書舍人卽翰林而用之以儲養其才也希純其榮矣哉惟翰林清華嚴密之地人不易至故人而有登瀛之稱去而有回視玉堂如在天上之嘆則其爲世之所景慕可知矣希純學於斯而用於斯行見他日膺重任享高爵論大事而贊鴻猷者又寧不始於斯乎願予庸鄙居茲餘三十載階

秩屢遷而德業尚進其所負者多矣因希純而為之惕然都察院僉都御史
盧公仲思篤斯文之誼鄉里之好屬予贈言予既以人之所欣艷者告之復
書予之所惕然者用冀希純加自勗於方來云

皆

正統十年乙丑春三月初吉

賜進士第翰林院修撰儒 郎

姑蘇張 益序

賀希純吳公之在中書詩序

聖朝正官制陞六部罷臺省以中書舍人為密近侍從之臣所職在詔制命
令慎擇賢才為之而儲峙之恩抑有在也在昔名公鉅卿文章重當世功名
垂至今而不泯者若唐之韓昌黎崔羣王仲舒宋之汪藻虞允文曾南豐諸
公皆嘗拜中書舍人出入館閣敷張神藻潤飾鴻猷然後或秉國政大其施

設彰也而可畏今之士幸在是選得顯其才器於文章翰墨間待觀厥成而
進也亦不可料也東陽吳君希純初舉於邑庠入翰林馳名中外今年春拜
中書舍人在朝士大夫皆爲之喜多美之以詩通政司左通政蘭江龔公屬
予爲詩序希純渾然端謹淳厚揮翰屬辭吟詠皆精有晉唐人風度又兼善
繪事山水人物禽魚花木之類與董源王維吳道元之神妙亦可以齊驅並
駕不相先後雖群處於今才藝中實能特出一頭地也今命居是官誠宜其
有也朝廷之清暇館閣之密近古圖書名法帖昔之所無者今皆秘而有之
可得悉閱而盡覽也詔制命令播告四方訓飭有位又皆政事之大者也擴
其氣宇卓其心志有者於斯而發之未有者亦於斯而有之所謂儲峙之恩
於斯何加嗚呼宋唐諸公之事業文章彼獨何爲而然也有志者亦若是希
純之賢勉乎其未可量也予是以發諸公嘆美期望之意而爲詩之序奉政
大夫通政使司右叅議知制誥

宜黃吳餘慶序

賀中書希純吳公榮授勅命序

皇上嗣登寶位之初首頒明詔覃敷恩澤及於天下載念臣工積勞政務特舉推恩之典凡中外文武群臣悉給賜誥勅慶贈至於父母妻室皆得授封恩至渥也而爲臣子者不獨榮其身而又榮其親不特榮其親而妻室亦與其榮焉獲與是列者亦榮顯矣哉中書舍人希純吳公廼東陽世家宋吳康肅公之裔早游邑庠明經之暇留心翰墨史籀篆隸晉唐鍾王顏柳諸家法帖摹寫逼真丹青戲墨咸臻極妙邑大夫薦之春官試明廷優等儲才秘閣十餘稔其學益博業愈精丙寅歲特授中書之職仍隸中秘且爲人謙恭勤慎小心翼翼以靡恃己能而驕人弗以事勞而少怠各公鉅卿深加器重朋儕寮案百起敬異今援例得請給勅命褒封父母及妻室命下之辰天光日華絢采眇耀龍章錦軸鸞鳳迴翔觀者孰不咨嗟稱羨以爲希純之榮其同鄉副都御史廡公仲思等咸賀其盛事祈予言以華之予嘗宰東陽素知希純德之茂才之良每加禮焉其來京師與往還者又十五六載矣希純謙恭之誠

弗改於初非善交久而敬者莫能也今膺茲榮顯固希純之所當得也諸公之賀不亦宜乎且夫人子之心孰不欲榮其身而顯其親然身有未立而榮莫可得也身立矣名榮矣於時弗遇亦未可得也今希純以俊敏之資抱才多能一舉而居近侍登玉堂清貴之地日陪諸閣老先生朝夕講論治道肆閱人間所未有書圖籍所載古今名人墨跡與夫國家詔勅命令中外誠飭臣民一切機密之務希純皆得與焉是身立矣名榮矣而遭

皇上頒推恩大典寵邀褒敕封及父母妻室是又遇其時矣此皆衆人之所難得而希純獨得之豈非吳氏先世積善餘慶發於希純又能植德以培之蓄才以濟之故有是榮遇也雖親歿已久生前莫致顯榮異日倚賜誥南歸衣錦晝遊焚黃先隴榮耀里閭光賁山林則親未必不含笑於地下矣因其請故書此以賀云

皆

景泰元年歲次庚午上澣

賜進士出身貴州布政使司右叅政前東陽縣令

建安黃仲芳序

挽稽勳員外郎希純吳公詩序

吳君希純端厚君子人也爲吏部稽勳員外郎蒞事於內閣景泰五年六月十四日早朝退食坐有頃忽昏仆就視之已不復省急扶掖至寓舍遂卒享年五十有七朝士聞之皆驚嘆而平日常所往來者咸相與齋咨出涕或爲詩歌哀輓之甚矣希純可惜也始者希純以工書爲邑大夫薦詔試入翰林時予在史館見其循以然處輩類中未嘗疾言遽色以失意於人心余甚重之因與之遊希純書於行楷篆隸諸體皆有法至其臨摹鐫刻以及傳真寫生凡文房所用爲之各臻其妙相知者有所求輒欣然應之無難色蓋希純處館中七年未授職人或以爲言而希純自若也其後與修玉牒蒙賞賚既而擢中書舍人入內閣三載考最推恩以褒榮其親未幾又預侍經筵賜進



御書進員外之職父母及妻尋加封贈如其秩希純雖名冠一時然撝謙自重若無所能者達官顯士非相知有素未嘗一跡其門故知希純者獨館閣詞林諸公及當時好事者蓋亦無過幾人而不知希純者尤多所以謂其端厚君子而重爲之惜也然余於是竊惑焉自希純與予游二十年於今人不知希純則已知者莫不謂其福壽當未艾也乃一旦殞絕若是之暴何哉豈天之所佑者不善而善者常弗佑耶將善不善在人而天固莫之省耶抑禍福之來自有其數雖彼蒼亦無如之何耶不然何其所遭若此也余因讀諸公之詩重爲希純惜又感其獨不得於天也求其說而不得特爲著之篇端以質諸善言天者且以慰希純云

祭酒
資善大夫太子少師兼戶部右侍郎翰林院學士知制誥經筵講官前國子

泰和蕭鎡孟勤序

贈文選司主事愚莊吳公之任序

元房行律九

吏部六官之首典銓選人材黜陟賢否而文選又爲吏部四司之首其任爲不輕非清慎勤敏之士不足以與之朝廷恒慎擇其人焉東陽吳昉字世望擢文選主事其鄉之士仕於朝者若監察御史盧君睿輩喜其膺是任也來徵文以贈之且曰世望世居東陽南岑迺簪纓鉅族宋少師康肅公芾之裔負澗和敏達之資自幼勵志從前進士葉伯愷先生學禮記朝夕克自磨刮又得其從叔祖給事中吳君澤責成之嚴不數年學業大進同輩鮮及遂領鄉薦肄業太學歷事吏部以敬畏勤慎見稱故有是擢焉嗟夫有志者事竟成天下之事未有志不立而能成者也矧士而讀書期以用世者可不立志乎世望當幼穉之年已能奮志於學學成而仕且居清顯之地以典選爲職非簡擇而任之也歟遂其志者於世望見之矣雖然君子之仕也當其志之遂夫豈自矜喜哉必益加勉勵而不敢少懈以保其榮名而樹其勳業焉世望尚慎乃職竭乃誠殫乃慮夙夜祗懼以圖盡職則不負朝廷所任之意亦

不負平生之志矣書曰功崇惟志業廣惟勤予又將以此期世望是亦諸友之意也遂書以爲贈

昔

宣德七年歲次壬子四月

中順大夫詹事府少詹事兼翰林院侍講兼修國史

太原王英序

贈文選司主事愚莊吳公之任詩序

東陽吳君世望以鄉貢進士擢行在吏部文選司主事禮部郎中同郡陳君景茂率一時士友之在朝者相與賦詩以贈之而以首簡求予爲之序蓋吏部之設爲國家擇任賢材以成天下之治文選之爲屬也以銓注之事而分理之雖官使有職品序有階欲其秩之崇卑稱夫材之大小必預從主事審核名實定其可否決之長貳咨之卿佐隨其材以器使之惟官得其人則政

得其理焉夫以天下之才決擇於數人之手自非明足以知之公足以任之求其無曠官倖位之失者鮮矣故古者論官人之法必以知人為要我

朝嗣統以來登庸俊良布列百司以大興治道屢

詔吏部詳薦舉之方嚴考課之法明黜陟之典益欲求賢以任官與先王致

治同一道也吳氏固詩書大家世望大父仲明樂善秉義鄉稱長者伯父原

牧父原厚克濟其美治家嚴整專志訓誨諸子於學世望感誨己之篤孜孜

不倦以禮經領鄉薦會試禮部中副榜試事夏官勤以自效甚為尚書張公

本侍郎柴公車之所獎重歷政吏部其勤益倍才美行卓著於等夷因得授


是職何其榮哉夫以纓衣之後負明茂之資而仕夫銓注之責可不夙夜匪

懈勉盡其職體上求賢任官之德意以共成天下之治乎此皆士友之所屬

望遂書以為詩之序云

崑

宣德七年壬子四月下泮



奉訓大夫翰林院侍講學士兼修國史

廬陵錢習禮序

贈文選司主事愚莊吳公秩滿序

吳君世望世家婺之東陽以明經舉鄉貢進士登太學歷吏兵二部事灼有
聲譽遂擢爲文選主事蓋今天下賢才得授職者必先合其試事諸司有勤
慎稱而後任焉而試事與授擢又從文選斟量其材分列諸司所謂銓衡人
物擢用材良實文選之職也故天官爲六部之首而文選居諸司之首理所
宜也蓋簡拔銓衡之精而出於材俊之上非其所務所履素有以過乎衆信
於人者能至是耶世望以才譽試事文選遂擢是職此其所務所履爲可知
也歲乙卯以三載滿考稱厥職其同官友郎中吳君暨員外郎蔡君相率寮
案屬文於予爲贈且稱世望勤慎甚至吳蔡二君皆端謹之士也其肯有妄
稱也哉古之君子其得至於高遠者未始不由卑近之地自重自力而後能

也况所稱高遠之域者孰有踰於是職者耶其才易以見知於人其名易以見稱於世誠有爲有守駸以焉造於高遠之域不難也以世望之既往卜之知其方來有莫之能禦者奚俟予之文哉感贈言之請書以塞責可耳

昔

宣德十年春二月甲子

奉直大夫翰林院侍講學士兼修國史

廬陵陳循序

贈文選司主事愚莊吳公歸省序

吏部文選主事東陽吳君世望秩滿三載獲膺勅命褒榮之恩將歸拜慶於其親特禮闈策士遴選部臺諸君子司簾內外之任世望實掌內簾事予叨預校文相與同處者幾半月稍暇序論衷曲皆慨然動思親之念世望則曰吾去家獨以歸省尤切際遇

聖朝嚴尊顯妣幸俱受封贈而縻於王事未遂私圖事竣當卽乞假還展開
安之情於嚴尊行焚黃之禮於顯妣也予重其孝愛誠篤肅然起敬者久之
其爲人清慎明敏克勤職業工文翰雖專於此者有所不及貌恂七言若不
出口至於論政理辨古今則壘七傾竭不窮予益爲之起敬不置焉撤棘後
數日遂援例陳情於朝以去刑部主事蔡君宏道其同學友也來徵余言爲
之贈余於世望固不能已諸言况甲之以請耶夫士君子生熙洽之世抱有
爲之資莫不思推所學以爲國用亦莫不欲遂所願以爲親榮然其間與成
矣而用或未臻夫位之顯也之願遂矣而榮或未逮夫二親者亦多有焉此
世之人所以每嘆其難兼也世望寶宋康肅公之後早領鄉薦植學成均歷
年滋久擢職郎署佐理銓衡綽著偉譽其用顯矣庭闈之間生者榮而歿者
安龍命渙頒光動邑里其榮至矣茲復承恩錦還綵侍以盡天倫之樂能兼
人所難兼者若此余固爲之欣慕而不可得豈徒起敬而已耶雖然忠孝大
節也是歸展省從容既致夫孝情矣尚當早爲之促裝思所以致夫忠者焉

若然則忠孝萃美於一身聲實益歸於士論吾見世望他日顯揚其親豈止於是哉此益蔡君請贈之意而余之所不能已於言者也

昔

正統元年歲次丙辰暮春初吉

翰林院修撰

廬陵周 序序

又

正統元年春吏部文選主事吳昉字世望承恩得請歸省其親於金華之東陽而文選郎中吳君孟寅員外郎曹君子宜等皆欣艷其行求予文送之惟士之仕豈獨富貴其身而已將以為親榮也蓋親之心孰不欲成其子而子之志孰不欲顯其親哉然而未可以必得也世望初舉鄉進士入國子以能書選至兵部修尺籍不數歲遂任此職三載考績以廉慎勤敏稱 上賜勅

命褒嘉之封其父原厚如其官母與其妻皆爲安人此蓋仕途中未可以必
得者而世望今得之其榮幸爲何如哉是行也歸故鄉奉觴爲壽其親必爲
之喜曰是晝錦之榮也邑里之人觀之必交相贊嘆以爲其親能成其子而
予能顯其親也如此又謂國家優寵臣下推恩以及其親之榮顯者如此莫
不有所興起其所以爲人父爲人子之心也然則世望是歸匪獨榮於一家
之親屬實有以資於一邑之風化也世望尙當知此勿火畱於親側宜速還
朝勉圖報稱俾身之榮而親之顯者有加於今日之爲愈也此益贈言之意
亦予所望於世望者也故於其行爲序以道之

昔

正統元年季春望日

奉政大夫左春坊左庶子兼翰林院侍講兼修國史

廬陵周述序

贈文選司主事愚莊吳公歸省詩序

得祿而恩及其親者幸莫大焉仕宦而衣錦還鄉者榮莫過焉斯二者人之所同欲也然而能兼有之者幾何人哉東陽吳昉字世望自昔爲衣冠望族其先世由仙居遷婺之東陽宋有諱滂字明可官至龍圖閣直學士贈少師諡康肅者其始祖也家世相傳皆以讀書顯耀至世望益勵志於學弗墜先緒絲邑庠領浙江鄉薦登成均各重於六館歷試夏官以明敏稱宣德壬子擢主天官選部事蒞職勤慎品量士類得公平之體自是聲譽益振風采奕然同列多推讓之三載考績書最援例得受賜勅復得封其父如其秩封其母妻爲安人世望於是陳乞歸省詔許之且錫之道里費行已有日縉紳大夫素與文游者爲之詩歌以華其行而徵予言以弁其端嗟夫士君子出爲世用移其事親者事君固將致其身以圖報稱而猶情七焉不忘其親者非以其孝之不至不足以全其忠乎世望久居銓部際遇

聖明顯親揚名既有祿以爲養而又獲承褒典以榮其親則今之歸也升堂

拜慶捧觴稱壽龍章鳳勅雲漢昭回恩光被乎草木喜氣藹乎椿庭錦衣綵服昭耀乎膝前其爲榮且幸何如其盛耶雖然仁不遺親義必急君展覲承顏之後式迺其來殫厥忠以無忘

天子之寵命豈徒爲一時之榮邦家之光實有在焉是爲序

昔

正統元年三月既望

資政大夫禮部尙書

崑陵胡


深序

又

正統元年二月予奉命考禮部會試天下之士入院之日尙書胡公語

聖天子龍飛初科凡簾內外執事皆其卿長所選極一時之精敏慎重者也既而得簾內者二人相與凡閱半月益信胡公所語不誣其一世望其一禮

部精膳主事甘宗華也世望世家金華東陽宋少師康肅公諱芾之後世尚
 孝友為邑大家予嘗聞其世德於東陽尹予友黃仲芳今又親見世望之夫
 顧非所謂必復其始者耶世望為人溫雅如玉平易疏達益又出於精敏慎
 重之外者接之愈久而愈可愛始以鄉貢進士來補太學上舍郎以選擇理
 戎籍於兵部往見獎重於尙書張公侍郎柴公既而進就會試名在副榜
 應得學官不就吏部知其良也試以庶務遂奏以為文選主事吏部百司之
 首文選四司之首而世望得補其官其為材且良有待於計卜而後能知耶
 吾聞世望之大父西莊居士仲明蹈義秉禮鄉稱長者伯父原牧尊府原厚
 亦皆樂善敦謹以禮教化導子弟昆季莫不相與和樂庭無間言則世望之
 所自良也其信在於此矣蓋蒙恩封其官於尊府如己秩贈其母為安人顯
 揚之榮幽明俱被自重自勉之徵不又在於此乎歲之三月援例謁告歸省
 其親且焚黃於先隴同官交游之士相與賦詩以贈其行而以予尤重世望
 者屬為之序於首簡云



告

正統元年丙辰三月甲申朔

奉直大夫翰林院侍講學士兼修國史

廬陵陳

循序

又

選曹美官也歸省美事也以美材而居美官固以爲榮矣况又承襲嘉而得歸省事之美且榮者孰有加於此哉吳公世望家於金華東陽之南岑蓋宋開國功臣少師康肅公芾之後其仕元爲婺源州同知曰端者芾之元孫也簪纓蟬聯蔚稱望族而公之才實由天賦見之於童丱之時登之於積學之火而成之於歷練之餘故能臻厥美焉嘗以邑庠弟子員歌鹿鳴於其鄉矣試春官而登乙榜擢校職辭不屑就而曰曷敢負大之所與者哉無何釋上舍之褐爲吏部文選主事於人物實克有所甄別三年朝廷因其績最而褒



36

嘉之。父得封爲主事。母贈安人。公旣服恩命。遂乞歸省。予鄉人張翔陳述。皆以賢良方正薦至京。荷公厚待。各賦五言長律以贈。其行而徵。予序惟公所居之官所遇之事。皆可謂之美矣。借使公才或有未至。亦曷以爲榮。惟其知所自重。才克稱乎其職。是以人咸致欣艷焉。公歸而稱觴於堂。焚黃於墓。存歿之心慰矣。人子之道盡矣。子道旣盡。則於事君尙可不愈致其力矣乎。詩曰。靖共爾位。正直是與。神之聽之。介爾景福。予亦以是爲公勉。且祝云。

皆

正統元年丙辰春三月旣望

賜進士第文林郎大理寺左評事兼修國史

姑蘇張益序

文選司主事愚莊吳公大同敘別詩序

正統紀元丙辰至癸亥七八年間。中外臣職若侍郎按察使叅議員外主事御史二十餘員。各當朝立各之。上咸以事坐謫。戍大同邊壤。文選主事吳昉

字世望其一也世望家婺之東陽康肅公之後弱冠以科第進身在職以耿
介揚譽不能阿順權要所囑被排斥謫至於斯吾嘗矚其被謫之衆皆未免
戚以於懷形之慨嘆惟世望坦然不以爲意雖歷沙漠風霜寒苦未嘗言及
其難處者非處患難而安於命知榮悴爲人所不免不以得失動其心者乎
居大同十稔益肆力於經學開示蘊奧以啓迪大同士子之所從遊者無倦
怠暇則嘲風咏月展所抱負發之詩歌令人愛誦不已而美其琢句之工又
專心於天文兵略之學若晉唐之天文志祥異觀象遁甲諸書以及六韜三
略孫吳尉繚子諸家兵法無不淹貫精熟益欲以此擅名而復濟用於時乃具
疏自陳其所能沐殊恩召回命禮部同翰林欽天監官試其實學而復用之
今邇裝上京師其謫宦之友侍郎包公懷德輩觀世望一旦脫離邊塞而去
如登瀛然咸嘖嘖嘆仰爭相歌詠以華其行徵予爲序予忝貳地官參謀軍
政於大同與世望一見於轅門之初如故舊宿交接其言語如飲醕醪自是
往來甚密裨益良多若鎮守邊疆太監郭公大總兵武進伯宋公叅將石公

巡撫都御史羅公以及都閩總帥悉重其才之長學之富機敏之卓越禮遇
甚至凡禦邊兵務或與之籌策無不合意而克濟其事嘗欲舉為邊用以共
成王事今有是行莫不惜其去而莫之留也皆設餞具贐為贈復囑予為言
以敘其意吾知世望之去謁大宗伯奉前

旨會官試其才藝議論滔滔必無不侔其所問者將見榮膺顯用殆有愈於
文選時也古人所謂有志者事竟成吾於世望所學見之矣眾曰然遂書以
為詩之序云

昔

正統十一年望日

欽差叅謀軍政總督山西大同邊儲通議大夫戶部右侍郎

京口沈固撰於雲中文會軒

送世勉吳公入南監序 貞屏行德十七

吳為東陽宦族澤以兵科給事中顯昉以文選主事榮今中書舍人希純文

翰清楚直綸閣侍經筵爲時儒臣世勉則給事中從孫中書從子文選諸弟也今年自邑庠貢試大廷其文中式遵例入南京國監畜學時世勉兄禧已自南監出試政於公卿之府而其家俊彥在庠序者尚森然也其簪纓蟬聯詩禮稠疊夫何盛若是哉世勉且行中書謁予請文以光其去而勸其進予爲之言曰淇澳多美竹莫不立玉凝翠以異乎捲扶勒澁之細叢然就美竹之中能堪爲黃鐘大呂之管者乃尤美也岨嶸多鉅松莫不盤根挺幹以異乎朽株槁杙之小木然就鉅松之間能堪爲明堂清廟之材者迺尤鉅也故稱賢於平常之家以光父兄子弟者易稱賢於昌熾之門以光父兄子弟者難欲果有以稱賢而光之中庸所謂人一能之己百之人十能之己千之乃可也昔柳玘嘗謂門第高者實藝懿行人未必信纖瑕微累衆所爭謗故修己不得不至爲學不得不堅意亦若此宜用爲贈中書公以爲然遂書之

崑

景泰二年辛未四月之吉

賜進士第翰林侍講承直郎充經筵官

永新劉定之主靜序

送興國州判世勉吳公榮任序

貞房行德十七

士之仕也因職以修其業叵計出入之輕重祿秩之多寡若乃奔競之徒厭
爲外任而樂於內職惟欲炫耀厥躬以襲市童之憐其於詭遇獲禽以徼倖
者無所不至奚有馳驅之正而爲造父王良之御乎昔張知白身在館閣出
領外郡韓綬官至正郎自請治縣豈要譽以沽名蓋達均勞之義而欲懲輕
外重內之習是以古今循吏之傳未嘗有外內崇卑之限惟在克供厥職以
無負所學焉爾吾邑吳君懋字世勉早遊邑庠卒業成均歷事憲臺今拜湖
湘之興國州判外任也然職在親民正爲上爲德爲下爲民之時風雨晦明
平日之所學者可以一展是州也上屬武昌之郡下統大冶通山二縣古爲
荆楚之墟事頗旁午民俗澆漓其責殆艱以盡或謂州有守以領其事有縣

以供其職事之易稱莫此若也奚其艱予曰斯其所以爲艱也田野不闢吾
闢之盜賊不弭吾弭之訟獄未清吾清之政事未舉吾舉之學校未修吾修
之以至於一切所以矯其弊而反其正者本末俱舉綱紀畢陳才之有爲者
如是固爲難矣苟專行之則吾之本已虧下亦將駭而不信雖才將安施乎
夫守乃州之長要必以事父兄之道事之過則歸己善則惟恐不歸於守然
後下之事我亦猶我之事上上下下協和而政治成則他日顯榮登循吏之傳
階此以基之而內外輕重何足較焉矧吳君之爲人也宅心謹厚制行端莊
面聞見跋涉於此知之素矣而予也百憂薰心三餘少暇吹竽已澁汲綆不
修愧弗工於文也爰因潘克高賢鄉之宦於京者欲贈其行而屬予序不容
以不斐辭予見吳氏仕於國朝爲名宦者多矣有以進士發身職居言路蹇
屺謬屺者君之叔祖叔謙也叔父希純公以書翰直經筵歷官吏部員外郎
清謹著名爲時所稱至從兄主事公世望又以鄉進士居銓衡而黜陟明允
則今之出仕其來爲有自也用書以爲序

昔

成化二年歲次丙戌春三月既望

同邑中夫盧楷序

贈興國州判世勉吳公督運榮還序

貞房行德十七

興國州節判金華吳君世勉溫雅謹厚人也佐郡赫々然有聲郡老穉多懷
畏之今年春督租東下駕萬斛之舟歷鰲背之上風濤不驚道路無阻積數
日抵京師貯斛唱壽圭粒不少官無負租之憂民罔出償之患要之皆由其
運用有方措置不苟以致之耳京之縉紳大夫靡不聚首緩頰以稱之曰賢
節判也民之戴其德者又莫不曰賢父母也茲將歸上舍如郭輔何觀輩既
喜其佐郡仁恕不苟取以害物又喜其督運賢勞翕然而就緒謁予丐文以
贈將以表其才而白其行庶吾郡之有官也余維世之士受名位以榮其身
得廩祿以給其用妻奴不蠶不耕而衣食凡此皆上之賜也烏可不知所以

報稱乎且近民之職雖曰百責以萃然租稅一事爲至重何也賢才賴之以
養祭祀賴之以供軍旅又賴之以給一有或怠則國用不足嘗見世之爲有
司者嚴鞭扑於催科取貨財於征歛畢竟虧官蠹民積歲連年取譴當道非
惟爲同寅羞而實爲民庶憂視世勉寧不有愧乎是歸也吾知寅僚見之相
與忤於庭民庶見之相與忤於野一郡間雞不驚犬不吠奠枕而安無所侵
擾者世勉之力居多也他日秩盈擢以不次如健者之升高舉足愈上而人
愈仰也吾於吳君不龜可信豈一佐之職而已哉官河雨晴一碧萬頃君行
有日庸書以贈

昔

成化丁亥四月初吉

修職佐郎國子助教

錦江周 澄序

贈孟璉處士冠帶序

身居吳陽行於七

成化二十三年歲在丁未孟夏十有九日承

皇上詔曰朕惟自古帝王之孝匪惟養之以天下而必尊之以鴻名蓋所以表功而垂於後也欽仰

聖母皇太后夙贊先皇茂隆內治誕毓渺質纘紹丕圖迄今二紀宗社奠安皆

聖母深仁洪慈訓迪之所致也而尊崇之禮尙未加隆朕心歉焉乃稽彝典率臣工以今月十七日謹奉寶冊上尊號曰

聖慈仁壽皇太后仰酬罔極之恩遠追帝王之孝禮既成於國家澤斯溥於寰宇據古尊稱式廣親親之教揆今恤下誕敷老老之仁軍民之間有年八十以上爲鄉里敬服者有司勘實加與冠帶榮身此

皇上推恩厚德之所及者至矣哉東陽吳珪字孟璉年耆德邵鄉里之所敬服者冠帶之日鄰里親舊莫不接踵樂於慶賀而稱之曰壽官於是孟璉之季

父世望以文選主事致仕於家具書所予爲序以著

皇上推恩念老之殊恩紀孟璉冠帶之榮耀顧予前爲是邑令理政之暇嘗閱其宗譜知南岑吳氏爲東陽名家宋少師康肅公之禿子孫茂盛至四百餘簪纓蟬聯若今之兵科給事中叔霖吏部員外郎希純湖廣興國州判懋皆宗親之偉望也其間讀書明理抱璞自珍韜光內照守己安分動循規矩守敦禮尙義之道懷濟人利物之心得鄰里推讓而稱之者尤彬彬然矧孟璉承乃祖父之教養主老而不失夫禮度之常涉歷世事而得夫應酬之宜操存涵養研精殫思知仁爲百行之原故濟人利物之心不計其有無而必期急之復以禮義勤儉教其子暮年享優游之福遇良辰美景鋪筵設席會親友宴樂於家庭遇朗天勝日或攜綠玉杖引嗣孫遊適於田園行無所牽止無所尼其樂爲何如哉噫人生天地間得是樂得是壽又膺是冠帶之榮耀亦可謂之足矣孟璉可不以此致思而思所以自足歟茲因主事公之請書

此以爲序

出

宏治元年戊申仲秋吉旦

賜進士第文林郎南京陝西道監察御史前東陽縣令

溧陽繆樛全之序

贈東軒吳處士慈節卷序

禮房行成百廿九

東陽之南岑吳氏世居在焉其居之東軒名慈節者吳君集色養其母虞安
人之所也按吳氏自宋康肅公諱芾者發身於台命子洪從學呂成公先生
因家於斯以道學爲基本子姓日繁闕閱日著顯於皇明者諱澤登永樂進
士拜兵科給事中各譽滿朝廷乃孫諱蓮者卓然鄉邦之彥士早娶華溪虞
氏爲室虞亦烏傷巨族兩姓締姻時人以王謝品之夫何伉儷之餘生一男
并一女士郎厭世遺安人寡居烏啼月落燈影空房然能內乳弱息外睦強
宗朱顏綠髮與青天白日爭輝意在綿本宗之祀不墜兩髦之家聲則未亡

人之事畢矣。而女有家，男有室，安人蒼顏白髮，精神愈強。集欲旌母之德，以昭罔極。鄉評歸之有司，將時舉之。安人曰：婦本名家女，既歸，各家不幸而不夭，罹此百憂，庶能慰泉下之心。我之職也。曷以表厥宅里，爲哉！集領母命，無如之何。遂於正宅左方構屋四楹，適良辰令節，率妻郭氏暨子焯奉母，居是軒，供甘旨，舞斑斕。安人亦樂受之。焯比長而好學，知所以隆大母之養。且廣乃父之志，植萱一本，竹一竿，壺取其慈，竹取其節，因以扁是軒焉。於是三世之好聚之一堂，而萱妍竹秀，佳境天然。在安人前日之苦，而爲今日之樂。在集與焯前日之憂，而爲今日之孝。故不必楔綽其門，閭絲綸其後，美垂休邁，烈抗柏舟。而過之自有以旌前勳，後可謂盛德事也。焯猶未滿其心，從而謂大夫士之善鳴者，闡揚其幽潛，裝演成冊，請予大書群玉之首，不容以不斐辭，乃直筆其事爲慈節卷序，以俟編郡志，傳國史者採焉。

皆

正德乙亥桂月

台人龐 龍序

三印公校文貴州鄉試錄後序 禮房行成百四十卷

貴州古禹貢荆梁南境也僻在荒服先是解額例附雲南嘉靖丁酉

皇上用輔臣議首詔貢州開科取士百年盛會於斯邁矣三載聲流教溢人用知

重故昔就試之士僅百而今則幾千矣不其盛與夫文章闢氣運之盛衰在

昔成周岐幽應運故江沱汝漢之間鬼置干城者相望也今

皇上龍飛楚郢功薄日月則夫人文之興首王國而下究遐方固宜翼也先也將

與中州上國並也今觀三試之文明白正大敦龐肅雅其氣昌其詞達其志

廣麗而則炳耀孤高不可結攬妙而純沉潛幽渺不可窮渙郁也乎哉我

皇上作人神化一至是乎嘗聞之豐草不秀瘠土巨魚不生小水格言不吐庸人

之口高文不墜頑士之筆是故披洪範而知箕子有經世之器覽九術而見

、范生懷治國之各諸士子今日之文觀之異日試官政服大寮義命



之審忱恂之篤忠主也庇民也將壘也乎有餘地矣庸非主司者之深慶乎
雖然周子有言曰蘊之爲德行也之爲事業彼以文辭而已者陋矣則言也
者其又可盡信乎哉夫染不積則人不觀其色行不積則人不信其言今天
下言之不信豈止不積哉獨異夫貴州巡域古風未漓明鑒至言是在諸工
子自考而已矣傳曰善積而名顯德章而身尊尙曷之哉其毋自隱其積以
貽主司者之羞楓不佞敬因是錄之成推本其所由盛而三致意云

昔

嘉靖十九年庚子歲

任江西峽江縣儒學教諭校文貴州科畢楓敬撰

賀三印吳公獎勸序

禮房行成百四十九

監察御史齊公徐公拜明命來巡直師肅察貞度風紀振揚人曰爲其下
矣惟時三印先生知我臨淮喜曰吾志行矣當道者君子也於是弛張操縱

因革廢興凡以利民罔攝未期聲聞徹二公二公閱寶嘉獎齊曰爲人
廉幹賦役均平徐曰剛毅正直神人畏懷檄所司具禮獎勵人又曰能自孚
於君子賢哉邑宰同官尹侯銓何侯杲命侯子華奉茲舉也確而敏先生辭曰
毋多事第交修予俾無忝光訓善矣二侯固要曰願道責焉且將聳觀法也
獨何拒乃走吏授札屬似山翼翔介一言翼翔爰稽首謹獻言曰先生眞民
主也施政不頗二公眞耳目也推賢不隱三侯眞寮佐也協德不乖夫施政
不頗謂智推賢不隱謂仁協德不乖謂義皆社稷之衛也在位之訓也噫微
先生其曷致此先生姓吳氏名楓字與丹三邱蓋別號也登正德丙子鄉進
士世居婺之東陽業儒顯門戶人嘗論先生曰文思似陸敬輿器畧似范仲
淹勲庸聲蹟必亦配前古翔也焉用佞

皆

嘉靖二十二年癸卯孟冬月

賜進士第欽差濟九邊兵科給事中

臨淮似山張翊翔撰

送三邱吳先生校文貴州序

先王以六行教萬民三年論其秀者賓興之制也貴州舊附雲南肇省以來同舉如故制明哲作式文教誕敷貴之士有造日以蕃廣國大夫欲專事如諸藩制封事以聞得可於是聘主試者於江右名邦監司以吳三邱先生應聘舉望也先生兩涘之選也童負奇才青年薦於鄉試名藉以京外諸公多能道之朝議重任儒宗乃以春試士司天下郡縣教先生得吾峽江既至訓義讓誨廉恥士丕變於道然後課以文藝峽之士曰自教於茲土者未有若是其貞且明也於是翁以化嘗視邑筭數月均役事停息耗不以民力粉飾過客耳目以要聲譽銖金寸楮不入於家峽之民曰自吏於茲土者未有若是其廉且明也於是翁以服名動藩臬知其政教之兼善不獨文墨之名而已貴州設科故以先生應聘戒行邑大夫博士率諸生孔宏化楊諤唐津袁

澄輩暨諸士夫咸相與餞之郊謂歎齋子辱長當有言歎齋子曰先生天下
上也功業當於古人中求之昔宋創大科廬陵歐陽文忠公首典試事收寶
用黜華繪玩器識而次第後先之故其得人與制科等君子歸於始事者之
賢今貴州始設科而得先生爲之主先生才德歐陽公類也其所得士當亦
如有宋大科之賢矣預以是爲貴州賀若夫躋用廊廟歷職保傅位文忠之
位而行文忠之所行此又先生之餘也預以是爲天下賀

昔

嘉靖十九年庚子夏五月吉

賜進士第中奉大夫浙江布政使司右布政使

峽江歎齋張
芹撰

送三邱吳君陞任臨淮序

東陽三邱吳君以鄉進士來署吾峽江教事端已作範迪德課功三年而其

道大行故前中丞克齋王公巡院韓峯沈公督學舜澤蘇公相繼疏其蹟於
朝諸士友涵濡其德咸樂其有此也相率徵予言以彰厥美予亦素辱君愛
且許之隨以疾弗克就至是又有臨淮之命於是諸士友申前請益虔且曰
吾師績學擅藝早負時譽方銳然以舉進士魁天下士爲志其於當道之薦
雖故事得以預徵召備臺曹之選猶不欲或以此妨彼矧被茲命豈具所欲
哉予曰不然君子之欲仕也存乎得位以行道而已其居位也存乎盡職以
不負所志而已若夫區區於取途之顯庸致位之崇重此世俗之見爲身謀
者也吳君浙中豪傑所養粹而識度遠宜必有以辨此且以君之才無施不
可而令之得行又與師儒異行見其振奮卓犖名顯著又將爛然於諸公
薦疏之中則自茲列職郎署累位卿相皆其所得爲焉知其不由出於甲科
者之所能致哉然則茲行也惟君勉之耳君筮仕吾邑其氣甚銳其志甚堅
夫銳則有爲而事易集堅則能守而法不撓信此二者無變於其初而又有
以寬猛濟之忠樸成之則所以施諸臨淮者固峽江之所已試也又焉往而

不得其所欲哉諸士友胥以爲然因書之

昔

嘉靖廿二年癸卯春三月吉

賜進士第翰林院檢討兼修國史

峽江頂山張

緒撰

送桐谷吳先生任江西臨江府學訓導榮擢山東教授兼德王府教習

序

義房里仁行完百七十一

自古爲治之道政教二端而已矣迨乎我朝尤重師儒之職是故凡興茲選者必經明行修才良學博可以端模範正士習樹風化者然後專委任之否則不得居是職焉嗚呼厥惟艱哉桐谷吳先生出自東陽少負奇才豪氣允擅時名遭逢不偶弗克遂大志應嘉靖乙卯歲貢明年天子命翰林學士監試於大廷而拔之首選於是始擢吾臨江府庠矣門墻之士薰其德而善良



者後先相望賴其陶鑄而躍治脫穎者最盛是以教澤廣著銓部旌賢乃檄
諸當道恩擢山東教授兼德王府教習予觀先生五年而屈臨江不色慍一
朝而擢王府不色喜非先生識見過人而洞乎屈伸之幾能若是乎此所以
時有鐵先生之稱也夫由臨庠而擢王府職雖殊而其所以爲教則一而已
先生嘗言師有不同當師其至學有不同當學其至教以身非教以言人師
也師之至也體諸身非徒事乎言心學也學之至也是故尊道德以砥礪乎
士習重節義以轉移乎民風尙齒談兵而使幼無棄老安不忘危臨江喜先
生之來而惜先生之去也雖然王府之教所以輔佐乎王室也先生以教臨
江者教之又豈有二道乎余感先生平日之愛將有言以贈行因同列諸生
相率賦詩而請余序故聊述其事以爲贈

皆

嘉靖壬戌之秋九月既望之吉

賜進士出身通大夫四川布政使司右布政使致仕前奉勅提督陝西河


46

南學政

清江東谷敖英撰

送桐谷吳先生陞任教授兼教習贈言序

先生來教臨江五紀矣其氣和不詭於物其儀整示人可尊其操慎未嘗踰
閑文教廣被允師範也士法之府尊賢之監司稱之前後蒞茲土者亦莫不
尊崇之至是上其能 天子命傳德府夫東魯聖人里也而宗藩金枝玉葉
也昔賢有輔理流譽者先生茲行也其不負所學矣同寅者曰桐谷公行矣
吾寮友之義不可忘當有贈言請於予也曰天下國家事一也先生推其今
之所以協共者而共王之事諸公有不必嘒違者盍卮酒壽之董賈之聲稱
有歸也在門者曰桐谷師行矣吾父師之德不敢忘當有贈言請於予也曰
甚矣教思之神於無窮也先生卽移其我國人之矜式者而式魯之邦諸君
有不必及門者盍卮酒壽之龍門之遺歌可續也予見士君子用世或有自



厄於遘會之殊尤或有難忍於去思之雅者先生以禮義充溢之身得從事
聖人禮義之國宮府遭遇固有不必爲董賈所爲而文學醞藉著之於仕則
今古同軌焉道沛德彰知無厄矣其在多士雖臯比卷舒自有其期而春風
化雨肩被涵濡不以一日不橫經不存真有如程子去龍門之後而遺歌猶
溢者也况先生子天吏隨任入泮臨江學師生之道將永留也先生固未嘗
去臨江矣夫君子之學古以貞志也先生之教之政皆與古人俱扶持風化
有出尋常數倍當不徒以各位論時人目之曰鐵先生不信然乎予因羨其
爲道廣爲澤長且爲教也大足以淑人而所淑出於先生之門有益於人國
者尤先生教之所流也先生茲行也於道之所通澤之所布既廣且長矣務
自盡其得爲教者以俟帝祉其奚負所學哉將見宣化益理次第章美聖賢
事業無處無之請以是贈行

曾

嘉靖壬戌孟冬之吉

賜進士第中順大夫知沔江嚴州府事前刑科給事中

新淦北川黃仁山撰

贈明山子序

善房里仁行榮三百四十七

嘗謂善於其家者爲亢宗善於其身者爲亢身自太樸既漓世不古處欲求亢身者寂焉而况於亢宗乎予於甲戌秋會予族衆於東陽之南岑始至卽有事於家廟閱其重堂邃寢規制何都及排闥抵其奧則飛閣凌空扁曰

誥勅御書閣

宸音奎畫光炳霄漢適當落成予因進宗人天源天乙一式

一經輩詢其倡斯舉者爲誰僉曰天德其人也字汝道號明山其爲人秉心不精氣舒言讜惻隱擴懷親親及物活棄嬰全固婦義漿義塚與凡蘇危拯難樹孤恤寡靡不從容抉諸其赤城且念先靈未妥求吉壤以厝之慮宗支日繁葺家史以綴之至於窶者爲之膳蔽之衣賻襚收斂如分內事也一日感五世祖勳部公手遺誥勅御書之巨額謀諸族衆宜建閣以沐朝廷之光

寵庶我祖之手澤不泯遂捐己貲爲合族先不日而斯閣成矣是吾宗之矯
以者非敢曰亢宗不於亢身庶幾否乎余曰噫觀其自活嬰以至於恤寡
衷象德於一身而人遍其德自葦史以至於斯閣之成軫大義於其先而義
不可勝用矣非特亢身蓋亢宗之最者也且其齒方踰艾而向者自是而加
勵之將年與德而胥進業與時而日新何以窺其際哉書曰樹德務滋詩曰
令德壽豈予於明山重有望焉因敘之以勸爾宗且將歸爲予宗勸

皆

萬歷八年庚辰春二月朔旦

賜進士第中順大夫奉勅提督操江廣東都察院右僉都御史前吏科給事
中

僊居宗叔悟齋時來撰

送西峴吳先生榮擢崖州學正序

元房仲西行富三

西峴吳先生浙人也少抱奇志長益超卓業舉子博聞強記籍七足以決賢
科乃不獲荆遇一聘以售其席上之珍蓋浙固俊乂之淵藪持衡秉鑑者代
有亦不能空其群是以留良焉雖然此特自其遇而言之耳至於淑已淑人
蓋有不繫於是者方其膺貢筮教泗水泗水實吾夫子之鄉也泰山梁木不
可復作身通六藝者殆不如古然而仰止私淑所見必親循循善誘之方蓋
有獨得其槩於洙泗間者以此立身以此淑人不亦多乎至以外艱去起而
續任建德建德之士穎異多易感而又得夫親傳洙泗之教者以分放於上
是以彬彬濟濟奮揚鼓舞拔茅連茹大收作人之效祿亦鈞陶中人也感先
生恆多而知先生爲益深見其積學有待抱負不群制身則古樸是崇視事
則小心祇慎接人則議論風生至於貞教以典學爲先諄也下亡論文則繫
有定見或遇得意者稱誦不輟如己出今之司教而淑已淑人有如此者夫
豈多得信乎其有本也信乎其不繫於科目也正期振鐸一邑永範多士復
捧檄擢崖州學正學正之視司訓秩崇而祿稍厚職專而業不分樂育廣而

取效更易非先生淑己淑人之報殆不至此而昔之抱負不可少酬矣乎無
何以內艱去不得就道斯固崖上之不幸也竊謂先生善吟素有隱志自期
娛衰老將見服闋之日秩雖加而自愛甚重必不肯以復仕然詩稱周王壽
考作人而傳述武公菴而好學先生年方耳順精力尙健設教雖不敢遽擬
作人而好學則自堪媲美武公矧以古人致政之期計之又豈先生獨善一
時耶則夫方艾之年猶夫未艾之日而成物之志猶將大慰其成己之願矣
祿敬以是序之而三致意云

崑

嘉靖三十年歲在辛亥仲春之吉

門生孫世祿頓首百拜序

贈從弟南屏靜節序

貞房吳院行第白九

天下之物恒爲吾用而吾心之靈不爲物役則所寓皆可樂之地而所習皆

可樂之事有志者當自得之而非旅進旅退。頭蝸角爭名射利之士所得而窺其涯涘者然非主靜以觀其動其何以見天下之頤通天下之故前知其當然而不謬於適從也哉賓竹諱一式字仕正者從弟也幼孤鞠於兄一冕既冠乃從事於縣司然志趣不凡節概英發上官甚加器重亨途在卽乃能脫去塵韉謝事家食邑大夫崇川吳公介嘉其急流勇退擊節嘆賞者數四手書南屏靜節於卷以獎之囑余序諸首簡余惟士君子生天地間其出其處惟其遇而已矣樂則行之憂則違之雖有志者不能背時而獨立也在山林則有雲霞泉石之雅在朝廷則有軒裳圭組之榮二者各一其美而不能相通者也貪鄙之流乃欲兼而有之豈理也哉今賓竹蟬蛻於污辱之中穎脫於風塵之外是則其所見者大所志者廣蓋不屑於公耳不屑於公則山林而已矣進退不能束其躬案牘不能勞其形寵辱不能驚其心偶七而步無伺候之勤嗚嗚而歌無囁嚅之慮暇則掃蕪苔坐盤石抱膝支頤神清慮澹十畝之外先得我心融以洩以靜中之樂真不可以語人者較彼

趨炎附熱之流炙手權門愈揚愈熾必將以身爲燼而後已者不可近視矣
易曰吉凶悔吝生乎動此之謂也故遯之九五有曰嘉遯貞吉而象之者曰
嘉遯貞吉以正志也困之九二有曰困於酒食朱紱方來而象之者曰困於
酒食中有慶也當嘉遯之時而無酒食之困以正志之動而獲有慶之亨其
所動者吉而已矣然非深明盈虛消長代謝之理其何以定吾心之趨而一
天下之動也哉嘗竹之靜深有合乎聖賢進退之義於其歸也故吾借易道
以勗之是爲序

出

嘉靖甲辰年仲秋之吉

從兄一峯序

贈旣山吳君榮擢含山贊政序

貞房吳院行貫十二

嘗謂天下之士欲行其志而膏澤易下於民者惟郡縣之職何也蓋其勢與

民親凡夫興利除害在所欲爲者即可發邇見遠也是以

天子之德惠惟郡縣能宣之而天曹之銓選於此尤加慎焉苟非其人安能
謬應民社之寄耶予戊辰幸進士及第得乘筆從太史後雖未敢以斯世爲
己任而廟堂坐論亦竊與有聞焉蓋

天子宰相皆以恭默先天下主若四海之利病萬姓之瞻依則專責之郡縣
以考其成也然則郡縣之官廟堂之計存焉其任亦匪輕矣隆慶己巳冬同
郡吳甌山氏榮擢含山縣贊政將之任諸鄉戚之集都下者咸餞於郊以送
之時同邑張子徐子以恩選來京與吳子有門墻之雅爲之請曰吳子之官
鄉屬送餞詩章交集未足以暢其志者敢祈太史公一言以華其行而暢其
志予曰有是哉吾不爲吳子快而爲含山民幸焉蓋民生之休戚繫於邑宰
而宰之德政又贊政者佐之也故贊政之賢否一邑之利害關焉是吾之所
習聞於廟堂諸元老者甌山氏乃吳寧世家康肅之後也予未宦時已稔知
其人焉秉性智慧立心慈祥昔學舉子業奏名天曹治煩理劇之才牧民禦

寇之略兩淞雙溪之間罕有儔者江干赤子已傾心怙恃跂足膏澤火矣况
含山又易治之區哉是行也將樹奇勳於江漢奏偉績於含天朝以愜蒼生
之望者此吾之所以爲含山民幸也然政最勞異當宁聞之必有專城之擇
以大展其驥足者矣豈特含山之被其澤哉徐子幸以是復之而并致餞意

昔
隆慶三年歲次己巳仲冬一陽日

賜進士及第翰林院編修

鄉侍生激陽趙志臯頓首拜序

贈菴山吳君授太醫院判序

貞房吳院行贊十四

古之君子不以仕顯不以位尊學無建明雖台鼎胡美世或有濟則一命足
榮故松檜梓桐均之美材也用各不同以分殊也參天合抱用之棟梁寸徑
尺圍用之琴瑟合而觀之可以語成器矣吳寧吳良衢字廷州號菴山始而

業儒志棟梁也既而不售將不以被琴瑟乎一旦不安故里語其友人李彥
正曰天子敷化作人拔茅連茹杞李臺萊咸得入彀吾輩知覺頗靈身淪
草莽緬惟青紫匪有異圖株守江鄉不能才進非丈夫也遂囊篋數十金爲
司馬遷西遊故事發越湖吳抵揚過魯道蘄入燕于京國車書之會將稔觀
焉凡名山大川皆獲歷履漢官儀衛親覩鏘昔年碌碌胸懷豁乎闢矣居
數月虞部以推廣事例輪納補官量材授級實以拔幽滯掄異材也吳子遂
傾囊輸之例授內府太醫院判晉闕謝恩與吾儒之釋褐同得官署事與吾
儒之筮仕同邑有序醫有學身珮璽綬亦與吾儒之得志同吁亦榮矣至其
身先民瘼曲盡人情雖良有司不能無賴焉夫有司邑之司命也。天子求
民之瘼貢之司牧司牧來自異域乍離簡編民情土俗豈盡端詳疾痛呻吟
豈盡除去是職也爲能調其藥物按其踈危錄其情狀呈之有司有司達於
府按府按詳於大理自是而上得聞民瘼於閭里廣矣吳子居是職也其果
能使斯民之寃者雪歟病者興歟其果能不愧遠遊如吾輩之均沾寵命恪

厥職果能盡出所蘊輔佐有司以上慰天子民瘼之憂歟雖然吾卜之矣吳子家世業儒宋康肅公以下迄明宣德兵科給事中澤公文選昉公中書正公皆以科第發跡燕翼後昆故繼其後者舉倜儻不羈藉以續以綽有樹立如吳子之在吳中又材之梓漆椅桐也其爲用雖不能躋之梁棟良工相之亦得與朱絃疏越而相參也既備乃奏將不有聞清廟遺音而興嘆者乎天子立賢無方惟材是簡吳子勉之必遇有搜奇拔異籍名以進也吳寧以仕籍寓京師者三十人將酌而送之遂錄是說以贈

告

嘉靖庚申孟夏朔日吉


賜進士第刑部山西司員外郎

金華西峯王汝述拜手序

贈敬齋吳隱君貽芳圖序

元房縣前行傳一百五

予不佞幸矣謝樞密解綬東歸距今逮十易伏臘許偕里中耆碩連社和歌
 笑詠浮白終樂桑榆茫匕一切非群玉山人所與知也比聞邑南吳隱君名
 從詔字彥制號敬齋者澹守素封雅好翰墨城市卜廛翛然多槃阿澗谷風
 然杜門矜重簡脫俗緣予不佞雖豸有世誼且往來跡近君子之廬而亦不
 獲荆識其人甚矣余之劣也幸吾孫與隱君幼子執經共事每歸省輒嘖以
 稱道不衰以為鵠飛鵲起先著祖鞭者必畏友吳幼子云因遡推弓冶備述
 隱君行實良不可更僕數余是以深重隱君之為人也嗣後出貽芳圖問序
 於予余手而玩之危峯耶古木耶其隱君骨性耶谿流耶石徑耶其隱君興
 會耶游魚耶芳草耶其隱君襟度耶翠翮耶瑤葩耶其隱君福澤耶俛仰者
 山烟雲岫耶和答者野鶴閑鷗耶閑度者春潮秋月耶忙尋者茶友雪梅耶
 隱君之所得不既多耶固宜城市卜廛翛然多槃阿澗谷風也余用是撫圖
 有懷曰顧盼海內交訂不寧綱也久荷朝廷高厚報稱罔所短長近復以將
 瘞之骨辱垂



天子明問雖解綬歸隱終樂桑榆而魂夢尙爾馳驅獨無有枕戈欲刺者乎
洵不如隱君者太素未染貞璞自完持此與娛陶匕乎有天地之樂而無人
事之憂也已

皆

崇禎丙子歲菊月十有五

正治上卿資德大夫叅贊南京機務兵部尙書 天恩存問

眷生許宏綱頓首拜贈

又

戊寅之歲王正肇吉余以歲事之勤因謝客之暇少憇中庭見夫春光明媚
花卉榮含乃抗志清虛遊神元漠如在華胥國中不復知有塵世界也俄聞
履聲有從孫士經持務滋貽芳圖索序於余予素懶癖雖日事筆墨而畏以
構思撫詞擾此衷乃辭曰序以詳事以詳人未有傾蓋之雅而漫以虛

詞籠飾余謝不敏對曰此南岑敬齋吳隱君其幼子宙以經為一日長誼毋庸辭且吳君為人醞釀辨於文而訥於口恂也接人與世無競性好施縑流羽客日盈其門鄉鄰有待以舉火者多戴君德今世趨日下攘利如蠅而吳君獨捐俗尚超然高寄以素封之家不營邸第不富聲色不謀廩稍之充奉養之厚而惟施貧好義知足知止似深得猶龍氏之理者其居室距邑治數武足跡不至日惟焚香讀史尚友古人暇則徐步階前怡情花卉融也然一小華胥矣且其幼子早夢生花蜚聲鬢序行將翱翔雲路以為邦家光皆隱君之餘慶也可不一為播揚以為他日勸乎余聞而心肯之遂如言直敘以弁其首

中憲大夫湖廣常德府知府前刑部清吏司郎中兩奉勅江南審決南京前除

眷侍生王嘉亮頓首拜撰

又

讀司馬公貽芳圖序愾然想慕乎其爲人及詢通邑口碑又未始不爲之失訝也如吾同宗敬齋公者其古逸民之流乎魯論敘次諸隱而終之以逸民夫子多所論述明乎非接輿沮溺丈人輩所與儔也公卜築市廛棲神巖谷凡花晨月夕時偕二三知己策杖於兩峴雙溪間聽鳥觀魚倦歸而即君讀書聲復謳以入耳致足樂也因集其興之所會藻繪成帙每於竹韻茶香時展玩婆娑庶幾會心不遠然則當索公桃源渡頭竹林深處而公仍溷蹟塵寰中行事甚忠敬居亡甚廉潔與世和同而卓然有以自立所云清質濁文者非耶古逸民內有姓氏空傳行誼罕紀者公將願爲把臂焉或曰隱者也是不可以無辨

曲阿宗弟贊元書贈

夫君子之於言也。不可不慎也。言者。心之聲也。心正則言直。心邪則言曲。故君子必先正其心。後求其言。言而不直。則君子不與也。

夫君子之於言也。不可不慎也。言者。心之聲也。心正則言直。心邪則言曲。故君子必先正其心。後求其言。言而不直。則君子不與也。

夫君子之於言也。不可不慎也。言者。心之聲也。心正則言直。心邪則言曲。故君子必先正其心。後求其言。言而不直。則君子不與也。

夫君子之於言也。不可不慎也。言者。心之聲也。心正則言直。心邪則言曲。故君子必先正其心。後求其言。言而不直。則君子不與也。

夫君子之於言也。不可不慎也。言者。心之聲也。心正則言直。心邪則言曲。故君子必先正其心。後求其言。言而不直。則君子不與也。


夫君子之於言也。不可不慎也。言者。心之聲也。心正則言直。心邪則言曲。故君子必先正其心。後求其言。言而不直。則君子不與也。

夫君子之於言也。不可不慎也。言者。心之聲也。心正則言直。心邪則言曲。故君子必先正其心。後求其言。言而不直。則君子不與也。

夫君子之於言也。不可不慎也。言者。心之聲也。心正則言直。心邪則言曲。故君子必先正其心。後求其言。言而不直。則君子不與也。

夫君子之於言也。不可不慎也。言者。心之聲也。心正則言直。心邪則言曲。故君子必先正其心。後求其言。言而不直。則君子不與也。

夫君子之於言也。不可不慎也。言者。心之聲也。心正則言直。心邪則言曲。故君子必先正其心。後求其言。言而不直。則君子不與也。



東陽南岑吳氏宗譜卷之三十六

○說

吳氏衣冠圖說

吳氏世有衣冠圖衣冠繪圖者非敢示誇也群公先正貴顯者有功業文章
隱居者有清修高節是一出一處皆我後人之所當景仰而繹思者也閱覽
斯圖則祖功宗德繼志述事之心不有勃然油然者在乎誠圖之不可以不
繪也上祖提舉公洪從東萊呂成公學舉進士第自台遷東陽南岑爲吾吳
氏之始祖也龍圖閣學士康肅公芾乃始祖之所自出而不敢忘其所自焉
其後衣冠奕葉代不乏人但世遠而不能盡紀此繪圖之大略也迨至我朝
繩祖武者不忝前修皆得於耳聞目見不敢以不詳也取重於當時而垂法
於後世者有如都諫公之以直道聞勲部公之以忠盡聞文選公之以銓衡
聞太僕公之以清慎聞群牧司教諸公之有顯跡於時而孝悌節義若桐庵公
輩昭也可法也是圖歲時伏臘登於一堂子孫羅拜於下知某公也有勳業

事功某公也有文字懿行某公也有隱逸孝義觀感興起不於斯圖而有賴乎常聞先正有曰莫爲之前美而勿彰莫爲之後盛而勿傳群公之作於前者亦云盛矣而爲之後者思盛其傳於後世可也豈獨繪圖而已哉是爲說

皆

隆慶五年辛未正月之吉

禮房五世孫炤百拜謹書

贈伯修公養拙齋說

元房行壽一

夫拙者巧之配也唐柳子厚作文乞巧於天孫是巧待乞其於拙者所不能免也惟在求其善養者歟所謂養者不勞心勞力於妄作之事機惟安夫理而存夫真慕古初之無爲守秉彝之恆性有足以制其外而養其中者巧奚足論哉東陽吳君伯修厭奔競樂恬澹得制外養中之道故於南岑居第之西構屋三楹名養拙齋其有不用夫巧者也吾知其視彼之周旋患難以爲

機變此且鄙之而方有居易俟命之安彼之諂諛附勢以爲得志此且羞之而素無行險僥倖之習豈拙之能不大勝於巧之爲歟而爲是拙者實爲巧之善養者歟予方擬拙以求安夫理而存夫真者因君能養亦若得以保抱攜持而不舍也故爲之說

出

洪武五年壬子春三月

長山病叟金華胡翰撰

敦族義說

元房行德九

滇南緬甸地臨交州有樹名沉香樹其樹面南者日烘露滋久而結秀於外堅而且香名曰伽南樹之心雨淋日炙久而結秀於內入水不浮名曰沉香二香皆爲世所貴重不啻若隋珠趙璧而寶愛之樹之向北者雖受日炙露滋之久以其面陰所處不得其向朽腐輕脆不能結秀成香世人亦不以爲

意而賤之名曰白木或謂彼樹同根而成質同氣而成香然白木雖難與一
香比何見賤於人如此而以白木名之且彼樹自未嘗有伽南沉香白木之
分而受人之貴賤也因人之愛與不愛其樹之香與不香故名其名而有輕
重之不侔也我白木也寧與人之所見鄙而輕賤之第弗得以白木名我而
賤我也當念同祖而生不加鄙棄亦若厥樹自無所貴賤於其間也庶幾乎
族義敦矣

勉力學說

越國隴南有肥田東隴之人種之歲收薄而少粟隴北有磽田西隴之人種
之歲收多而有粟東隴之人曰我田也肥而反不及彼磽田所收何歲之不
稔也如此里人曰噫彼隴南之田雖肥東之人惰於農作耕之不深種失乃
時耘之不循其法耨之不盡其力故其收也薄宜矣今也不歸咎於己而反
罪於歲之不稔何愚若是甚耶彼磽田之有收者西隴之人勤於耕作耘耨

以時稂莠弗生故禾暢茂成實而多粟者農力之所致也。硤田而勝於肥田者宜矣。何與於歲焉。贖犇子曰：世之事豈獨是田之肥硤農之勤惰歲收之有厚薄而已哉。蓋世之人性敏而不好學，質魯而反成德者，與種肥硤之田收之有厚薄者，何以異哉。請弟致思於此，力學而不成德者，吾未之信也。

右說謹呈

靜齋尊叔

仁比

付與萱弟

德三十

閑中覽之

出

景泰二年冬十一月冬至日

姪昉拜書

贈世福公敬義軒說

元房樂渡行德十

君子之所以成德者，以其有內外步修之功耳。夫靜而存乎心之正動而合乎事之且則德不期盛而自然盛，且存乎心者莫大於敬，合乎事者莫大於

義敬立而內自直義形而外自方內外不偏知行兩進德豈有不大者乎邑
庠矣禧嘗從予學易能沉潛玩味將有所得每觀夫子釋坤六二之爻義有
敬以直內義以方外之說默契乎中一日侍嚴父原寶訪予於館談話理致
因言子禧學易得坤六二爻之說遂欲以敬義名其軒請予發揮其奧旨余
語之曰敬者聖學所以成始成終者也爲小學者不由於此則無以涵養本
源而爲大學之基本爲大學者不由於此則無以進德修業而修小學之成
功是則學之大小雖有不同未始不由於此也然則立乎敬若何而用力耶
必主一無適而常惺也必整齊嚴肅而不容一物如是則中有所主而自治
嚴此敬立而內自直也若夫義者事之宜又若何而使之方乎必也事親敬
長得其道應事接物得其宜一動一靜皆合乎天理之正一語一默咸中乎
轍迹之度處朋友而不失其信事君親而能盡其道如是則義形於外而自
方矣苟專主乎敬而不裁之以義則偏乎內矣專從事乎義而不主於敬則
偏於外矣惟君子之學也敬主於內又有義以方其外如是則敬義夾持體

用不偏此德之所由大也。禱也。觀象玩占。至於動靜不違易之理。則出處必獲大之福。知此則易不在書而能體之於身矣。尙期努力以古人自期。則不負爲吾之徒也。亦不負爾翁之請也。

昔

宣德丙子春上巳日

河南程 蕃書

贈東軒公梅蘭

說 禮房行成一百廿九

予兄孟成幼失怙性多剛居祖宅之東舍因號東軒後壁命工畫梅蘭圖示意惟清白立心不拘於俗顧謂余曰汝識此圖意否乎余應之曰夫蘭放於秋梅吐於春各因一氣之至而後先固異時也彼榮此瘁乃其常或否焉則陰陽倒行而逆施矣蘭與梅安有同茂之理凡人孺子皆信其舛也畫師顧合圖之云何嘗謂離雖知夫蘭觀茂陵遺草又知夫梅之爲物也夫蘭

托根幽壑無艷色繁芬然善臭者過之則翫而莫之去非以其味之清耶梅
凌傲霜雪象芳搖落而精神獨秀弗及桃李競紅紫固曰只將一白高大下
畫師識是義乎予家清白吏子孫其用意然也不若是蘭與梅終亦異時而
敷榮矣求其所以而未得從而為之說

昔

正德七年辛未春三月

弟 楓謹書

贈懷玉吳生炤字說

禮房行宗二百三十六

東陽吳生炤歲當加冠賓友字之曰懷光夫炤固光之族懷因行第而光則
炤之字以義觀之未見其諱名也正德乙亥予館於斯生來侍竊惟為政以
正名為先為學亦當以是為先古之人有名光者字之曰實有名熹者字之
曰晦今者名炤而又字之以光不有戾於古乎生乃請更其說以為學古之

一端故予字之曰懷玉而又申其說以勉之曰有陽焰火有烟焰人有氣焰
奈之何勲灼有餘而渾涵不足也暴露有餘而醞藉不足也然又所懷者在
於光焉未免倏起倏滅乍明乍晦曷若山輝玉蘊之義各在於彼字在於此
返末以敦本歛華以就實庶乎有德者必有言有仁者必有勇根之深者其
末茂膏之沃者其光晔是非懷玉之謂歟矧夫玉以比德懷玉不忘德必如
玉其爲玉且火大矣予期汝爲玉乎是爲說

昔

正德十年乙亥菊月

鄉進士台人龐龍撰

贈峴溪公竹軒說

貞房節孝行榮一百九十九

萬物本乎天天之初一而已判於二五之交運而參差不齊故氣之清通正
直者恒寡而偏塞邪惡者恆多惟其多故物類得之以有生者遍天下惟其

寡故有生之類間或得之而竹其一也木類得之爲松爲柏卉類得之爲芝
爲蘭花得之而梅禽得之而鳳人得之而君子竹之所在松柏鄰之芝蘭依
之梅友之鳳棲而食之君子愛而居之此無他類不同而氣同也氣惟同是
以相求也噫知同氣相求之義則知竹軒主人非有私於竹也松柏其操芝
蘭其馨梅其仁鳳其德而君子其心也主人謂誰南岑吳峴溪也

晉

嘉靖壬寅冬十月望吉

石臺畸人孫揚書於東山雪亭

贈賓竹公南屏靜節說

貞房行富一百九


賓竹吳一式多知業學爲邑從事越期矍然省曰吾若是羈哉乃力謝去邑
俟崇川氏悅之爲書南屏靜節以獎式旣受請說於兩溪子兩溪子曰宗黨
之良乎柴桑士之慕乎式避席若懼且言曰式之謝也以營七繩墨易以蕩

陵我先白之風實大以不能不俾我後感實有懼爾也侯不侈以譽諸兩溪
子曰嘻不亦信夫物微化弛紛役於羅其知若而懼者寡矣爾之可風也何
侈於譽也式又請兩溪子曰無易乎懼也爾其謝也懼其不克動也其請也
懼其不克靜也動與靜胥懼焉恆而曠焉則尸居應矣酬酢寂矣利害能膠
乎得失能繫乎寵辱能馳乎是非能制乎毀譽能徇乎富貴貧賤其有視之
一也乎則靜節之備在子而已矣式於是拜嘉曰今而後知君子之靜矣動
而理焉則靜節其在靜而物焉則動逆其在式也敢不祇若命兩溪子用申
其懼以說

出

嘉靖壬寅年春二月初吉

從叔祖庠生兩溪烈撰



○書

禮部尙書蔣谿章文懿公懋寄退修公書

昨承枉顧既以多儀甚感甚荷茲又辱手書專人存問兼有嘉果之惠尤非
衰耄不肖者所敢當也慚罪慚罪但所言祠堂事考之朱子家禮所祀者止
是高曾祖考四世其旁親但云無後者以其班祔若有後者則各自爲祠堂
矣今宅上合族數百人共爲一祠不知先世枝派數多其位次若何排列若
何行禮區區有所未達難以作記敢以爲問或請老先生或族衆一位下來
面議處置停當方可操筆不知尊見以爲何如謹此奉告餘不縷也

仙居族弟炳思寄南岑諸兄姪

粵稽世譜自梁銀青光祿公繇遂昌家仙居遂爲僊居始祖凡九傳而至康
肅公康肅公傳提舉公官江東爲宜陽別子乃思十世祖宣義公之從兄弟
也牒籍相聞蓋有年矣甲戌冬季來謁父侯趙公因訪南岑諸宗祇拜於南
岑之大宗祠下歷觀

誥勅御書暨文懿公婁江公諸名筆世所希有也其宗先後甲科凡數四簪
 纓凡數十子姪盈數千焉派長西岐翁齒望八十矣思年將始仕以行同其
 曾祖欵席於祠右之上獨以族祖莘野公侍於側餘階竹軒東川諸皓叟及
 弟姪幾十輩以昭穆森立左右命孫童歌趙父侯十勸十戒於下彬々然真
 禮義之族也雖遼古雍睦之風豈是過哉言念康肅公在台即為古今名賢
 冠遺商安間僅一二焉每竊疑仁賢之後何寂寥若彼今始至於東觀其昌
 大於東者如此乃知天之報康肅者雖靳於西南寶厚於東矣又安知異日
 西南不比隆於東哉喜不自勝因畱拙句云

流芳自庶肅石井向幾々獨喜東陽胄却從提舉綿文懿銘祠石婁江勒祭
 田簪纓已如許禮讓更千千

康肅公後裔長派分黃巍曾遺詩諸宗人并述于此

康肅勲聲舊東居謾感傷山高松自古海闊水偏長六郡流春雨三疏烈曉
 霜此心如念得千載亦同方

萬曆甲戌臘月望日

僊居厚仁宗末炳思頓首拜書

仙居宗弟操江都御史時來寄莘野長兄諸弟姪

秋過吳寧得於南岑一尋宗盟顧辱諸兄欵厚殊慰殊感追憶
康肅公德澤流於六郡朱文公詩謂政有百年思者廼子孫在石井後里者
微矣豈物無兩大勢固然歟正以未遑修謝存懷伊鬱參府侔至具承惠存
兼以不肖生日爲賀不肖四歲失慈兼之始衰日懼無聞烏所言樂也遠意
不敢辭已登拜謹此附謝不任瞻依

寄南岑諸弟姪

嚴君往歲承諸父伯兄委以譜事時悟齋兄宦京獲會貢元伯氏先生細溯
源流乃知南岑一宗寶湖山康肅公之裔來書屬通譜牒道修山阻深以未
遑爲憾茲對來謁趙令公嚴君授宗譜數葉命訊其詳既而合之如持左券
用是懽躍遂拜祠謁墓欵洽累日親親之情藹如也惟憶康肅公與對姪祖

62



堂伯仲也自宋迄今世代邈矣自台歷婺足跡踈矣今乃一會豈祖考之靈
欲聯同宗之義而相此行於冥亡之中耶謹搆二律用寫喜感之忱
曾謁湖山墓蒼苔照夕斑豈今千里外賴此一宗繁俎豆光先德綸音愜大
觀平生懷古意今日爲怡顏

匹馬尋宗入婺東龍圖有廟儼遺容雲橫雙峴聯雙谷碑勒懿翁亦晦翁古
跡千箱開玉牒斯文一脉振休風拜瞻祠下春風麗百尺岑樓紫氣雄

萬歷二年孟春元宵前四日

梁銀青光祿大夫二十三世孫時對薰沐書于南岑家廟廡下

制弟時對書再寄

嘗謂天親骨肉雖或忽畧於朝夕習見之間而不能不感激於疎闊驟遇之
時此雖人情亦天機也對祖自九世分派南岑自宋迄今垂五百年中間離
合不能悉數卽今近代有可述者平山叔公詩賦慈節軒此一合也繼此漸
成睽隔非一離乎去歲拜祠展墓獲晤老兄大人暨各位諸兄弟姪又是一

合矣當時卽謂 二祖之靈有以作其合者豈虛語哉傾蓋一見彼此允洽
情出肺腑始信天親骨肉雖忽略於習見而不能不感激於驟遇也嗣茲以
後固宜休戚相關慶問往來矣夫何道阻且長耳目有所不及見聞雖欲行
之而限於不知者不少矣睽隔之漸不將又起於斯乎茲聞蘭谷榮任松海
特人造賀茲得之於所及聞者外此能保其無失禮於諸公乎離合有數光
陰無幾人生萍梗豈必他鄉客哉臨風翹首聊爲諸公一嘆耳弟命不幸父
沒心傷不能爲人百凡親友日與間闊風便謹此申候興居天時伏暑仰惟
珍愛西首馳神臨楮不勝眷戀之至萬祈台照不宣諸姪諸孫大賢宗不及
各一申候乞叱各雷此拜福再四

臨淮左布政李心學寄莘野公書

奉別三十餘年不親顏教懸念殊甚今復懇尊翁誌銘惆悵滾且喜故人
遠懷爲慰生簿書撥以筆硯荒落火矣兼以疾作必莫能就悵思翁德教
疾忽小解敢撰話言知不發盛投石秋淑義不容辭縣大夫顧公榮歸公兄


之省主舊契姑修從者以復文几伏惟刪擲是望尊翁前任宦蹟一昭來示
行狀其來蒞生土地功業昭昭在人耳目老穉至今無不謳頌生非虛語也
辱惠厚貺敬拜嘉矣容會日致炤恕萬乞書冊一本

尊翁誌銘也煩檢入

舊合侶梅陳公應春示明山子天德公書

書寄耆民吳天德爾東負山力本俗稱淳厚愧予以譎陋之才竊祿二載慙
無片長爾不以余爲罪而謬相推愛諄也懇也真若子弟之於父兄爾之意
則誠厚矣予也自省莫知其所以致之僚佐旣皆以不職去予爲邑長尤宜
首黜廼荷

聖朝寬宥不見譴責亦已幸矣尚冀旦夕之任勉自策勵以與爾更新屬戶曹
乏人謬以予推補幸出再僥實逾望外但念與爾相處久不忍一旦遽割也
嗣來牧者必有大賢以補余過何患無良父母哉顧於余心甚惻然也從者
歸授數語告諭不能悉吾情幸其亮之



五峯會長尙寶司司丞石門應典寄吳仕正書

歸途沮汝殊繫老懷諒邇來天爲道臧良慰良慰僕老耄無之或猶以老驥
伏櫪爲眚奈吾諸友絕倒何五峯深處惟春秋二會誠憂必無一息之外奪
者斯可否則退而或暴或寒皆不免有駐手工夫至幸高晰爲我計之念之
鴻便布此亮也 凡鄉里知我者均乞叱名

五峯會長國子祭酒松溪程文德寄吳仕正書

五峰會間閱座上溫恭雅重如執事者寧不足爲後進矚者一凝靜耶奈
何久爲金玉而虛人注意切願卒爲吾道計不辭重跡之勞以爲諸友會上
慰

五峯會長一松盧可火寄吳仕正書

吾仕正操立不變誠足有守且聞家事清淡常如舊非仕正內外有辨寧不
爲其所累乎可喜可喜充仕正此志他日可以遠到此時得日休公主盟於
上諸同志相與夾持於下勉加奮勵使學具有所得於己則自然欲罷不能

矣此學非辭說可及非思想可至身心體之火之自有相契處此其得之之機也仕元守中凡諸同志俱不及另簡千萬致此倦也

仙居知縣應山張公均寄吳仕正書

執事相處無多日情義如火要乃知斯文骨肉自有投合之機不啻若自其口出而復教諭懇至非深愛篤念何以至此但老朽不能以孚執事之望今之學者惟一身名檢事業自惜其於朋友之善惡休戚如越人視秦人之肥瘠漫不加意如執事之切也憊也惟恐僕陷于不善亟欲振而起之非真有善與人同之意者不能也感荷感荷我輩言之非不親切特有行之不篤之弊也又吾良知無處無之然發而不能知也而不能行之尊教切中今日之弊言儕果能於此著脚則聖賢堂室可尋入矣細想執事家事清守如斯而向學之志不變一日千里之機於此焉見矣可賀可賀鴻便寄此餘容面頷不既

徐草亭公寄吳仕正書

盤銘隄止聖學工夫然亦絲博文約禮以漸進也恭聞執事脫塵自新閉戶
誦讀雖顰笑亦罕見其幾微甚得靜裏清修閑中真樂之趣健羨健羨走者
病奄以懶出戶庭不與世紛久矣因舍姪道及盛意願僕陳人何足掛齒因
布此以引謝萬一外奉小書衛道錄請教乞不吝是幸

歲戊申五月十有一日眷生草亭徐 純再拜

楓公署中寄孫石臺先生書

楓
怠荒無志遂甘下流伺候趣避倪以仙以遙望有道門牆從容餘裕正猶
雲鶴野鳧不可同年語者慙愧慙愧別火靜悟精考當更洒脫著述訂正應
倍往日奈地遠不獲時聞清誨如何然夢想常在石臺左右也冬間小僕來
倘未即棄便中賜教一二則仁人君子所以呼寐起僵之功于是大矣冷官
蕪邑乏物展敬薄具茶甌十隻瀆辱幸置榮寵千萬

又

奉違道範倏忽六年至論弗問坐成茅塞乃知祿利汨人天良漸我如此側

想精思超悟日益高明啓我後生斯文甚幸楓雖識趣卑近仕以爲貧然職
業勉修操履頗潔清議見許上下同辭撫按交薦恬無覬倖不審于孔門委
吏乘田家法程朱所衍執事方從而羽翼者亦庶幾其萬一否或可與進便
中尚冀教言引掖如何豚子歸草屮奉候動息且致聲氣伏惟照察

○扁文

廷數公旌孝褒忠扁跋

義房里仁行賢八百八十六

聞之竭力致身為希聖之實學作忠教孝稱砥世之名儒為子為臣道無二致在家在國事鮮兼全今吳生長棧先意承志性敦百行之原見義必為勇奮萬夫之氣雖非職司戎伍儼如權握兵符畫策推鋒浙閩獲安全之慶捐軀捍患東義藉恢復之功按茲儒生允多碩德合之輿論亦無闕言先是浙閩總督李公諱之芳者嘉其忠義表其孝友余蒞兩浙學政尤關獎勵風化爰額之以彰殊勲

康熙六十年六月

馬 豫跋

德君公任南鄭縣尉士民立匾文

義房里仁行各九百二十五

邑佐可為也而不可為民情不得聞於上而得聞於邑佐則邑佐可為邑佐

之政欲求便於上而恐不便於民則邑佐似不可為自我

吳公諱學垓字德君之蒞任也宜德達情既無忤於上又克順於民數載以來不見其不可為而止見其可為我小民飲恩食德比戶帖然婦子無徭役之苦鄉地享無事之天樵夫牧豎莫不舉首而加額曰慈父母之德不可忘也蓋顏之扁以誌

恩同顧復不朽

喬林公母厲氏扁引

元房縣前行敬一百五

吳母厲太君 瀚飛先生元配也以名家淑媛脫簪珥佐夫子學成鉅儒遇

姑疾剖左股以療之乃獲痊頤養八秩耄翁甚得歡意膝前男女九人森嚴

義方之訓譜之彤史是即今之陶孟也余蒞東五載與其長子庠秀齋林稱

韓孟文景其徽音甚稔頃丁巳嘉平內遷將北上矣適遇花甲設悅辰爰書

一額以為壽

額曰

賢孝宜家

前邑令蒲陽姚思恭題

○序

己丑吳祠館課敘

昔時言遁難者常稱南山之南北山之北惟客歲戎伏山區幽巖深樁中鋒
交刃接往也烏啼月夜燐動霜秋不佞身羅險災寢處葭葦寄嗽老農向來
所嗜芸簡蟲書縹緗竹冊一朝灰燼幾不知天壤閱文章功業安頓何處及
難稍夷出觀城邑烟火無恙翰墨生香偶尋舊朋披架上圖史復覺日月在
眼雲霞到眉嗟乎彼枯此苑安得不見獵心喜哉用是復托棲南岑濫邀西
席時積澍彌月庭潦不乾顧而嘆曰干戈之氣積爲沉陰固如此哉然風雨
瀟灑雞鳴膠也昔人所爲思良友也願諸君宏此遠謨外結蘭英內蒐藝圃
探元珠於赤水吐白鳳於青廂詩書道長則捨攘氣衰脫荆榛而拾香芷端
有賴焉余雖落拓尚將問奇二酉窺秘九邱成一家言竊附於窮愁著書之
義諸君其何以助我

安文陳士章

伯聞氏撰

斐萊山房敘

卽桂竹菴

余家亂山中呬晤於竹溪深處日臨翠碧夜聽筠濤洒然骨欲仙客冬以試
事抵城吳君季安季位將爲其弟廣友推予執牛耳久之予不得辭獨心恚
曰城市中安得作物外想乎吳君窺予意卽卜址予城南壇境間有曠地焉
庀何鳩工築基土爲牆不數月告竣予驚且喜挈書硯就之見其地遠塵囂
近青社山光塔影茂林佳卉皆收爲齋中物旁有竹芊芊適當其西以禦夕
陽菁葱交砌影綴漣漪節葉繽紛色侵碧玉可以晤伊人於素月發幽籟於
清飈靜而對之又能生威儀因顏其齋曰斐萊云從者如北門學士數坐旣
定余諭於衆曰君不見猗也者乎中虛外直有節有文人炎夏而獨清傲嚴
霜而不改此吾黨志也愆其日損如籜斯解學其日益如莖斯舒吳日擬步
瀛洲屈指東南竹箭將在斯矣二三子勉乎哉衆諾而退余佐之史俄而日
暄風舞瑟也簫也則竹響共書聲相亂也俄而敲金戛玉綠影橫斜則成竹
寫自胸中而干霄起於筆下也

安文陳士章撰

敦義敘

義房行崇七百三十四

間嘗披閱戰國策如戰國四公子好義任俠未嘗不一時可傳然諦按之祇
爲身家營窟計究無補於後世唯宋范文正公置義田惠及宗族子姓一時
仰之奕世傳焉余觀吳君得大兄之素行謂非得其遺意乎余家居華川與
峴叟相密邇往來交際知之甚稔其尊翁產不逾中人每好爲義舉洎翁沒
得大主器持家政大啓爾宇蔚然壯觀居家儉樸雖身列宮墻率僮僕同操
作未敢徂於晏安至於義所當行者先稟母命偕二弟次第行之不辭瘁先
是水頭埠爲東義孔道阻於漲溢乃捐田若干造舟以渡行人民不病涉又
蠲資以葺校士之館俾應試者無風雨之苦至永濟橋亦然歲頻不登出粟
以助賑不止再四辛未遇奇災奉檄勸輸每率先多助以爲領袖復私自
散給不僅指困以濟羅道憲給匾獎之口碑猶載諸道路適宗寢將圯慨然

獨葺中廳不靳百餘金之費較從前之黜堊十倍過之開家塾成就親鄰子弟未幾次弟遊郡庠幼入成均子姪亦相繼遊庠序至於分爨怡怡無間旋且拓基址鳩工庀材翔建別廟以享祀五服之祖何一非本義田之遺意而行之者乎夫義舉之事聞者莫不欣然樂道而士君子之慕義若渴者恆苦於家無資斧而不得遂所願卽裕於財者又往往私殖雖有義事而不肯舉至能舉義而有補於世俗有益於宗黨又焉得泯沒不彰不爲聞風慕義者作一典型乎吾尤期其時以范文正公爲師擴而充之以垂合緒於不朽時

嘗

乾隆乙亥之春王正月也

華川廩膳生眷弟虞守才拜撰

南岑義房敦義會序

將欲酬祖德於數百年之後而春祀秋嘗外馨香薦之聲色娛之則必割膏腴捨重貲衷所有益所無乃能有濟也求其以祖宗所有還酬祖宗而已不費銖鎰也咸無有焉有之自南岑義房敦義會始義房員外公諱政者遺有負郭常稔田若干畝另二十畝爲養賢田每歲舉貢生監暨通仕籍者得以分所入之息非是不與焉蓋員外公所以培養詩書之澤也春諸紳士議罷其給五年以其息貯常得二十五人輯成一會號曰敦義擇長而賢者主其計而時其出納焉迄今權子母計錢已數百緡由是誕辰展像珍奇雜選詩所云物其多矣惟其時矣非與前夕則百枝燈爛更命伶踏歌三日詩所云神之聽之終和且平非與歲以時舉不匱於需則所以酬員外公培養之德者固已羅馨香之薦極聲色之娛矣而又無煩割膏腴捨重貲也便哉是舉乎今夫世之爲人後者多矣黠者蠹先人之產以自私悍者鬻先人之產以自養卽至宗祏圯頽神或露處蒸嘗曠祀鬼或求食而彼方安居廣廈持

梁齒肥意氣揚以恬不知怪則能守先人之產不至廢墜殆蓋已賢於世之
黠者悍者矣又安望其以祖宗所與我者取而還之祖宗有以薦馨香而娛
聲色哉語曰樹蒞藜者夏不得息秋得刺焉樹桃李者夏得休息秋得實焉
此之謂也况乎割膏腴捨重貲又有簡畝承泮其人者公力有餘且好義捐
田十畝以擴員外公祀而先以近年所入歸敦義會生息焉譬之彭蠡湖既
滙九江之水而漢水復有以益其波而助其瀾也豈不浩然一且浸哉吾心
艷其事因序之

昔

乾隆四十三年季春晦日

署東陽縣學教諭補堂許椿撰

八婺理學淵原序

道猶水也天下無無水之地卽無離道之人而或一涓一滴未能逢乎其源耳竊觀三代以來孔子固河之星宿而宋之朱子其碣石間九河分合之淵乎蓋朱子近紹濂洛遠溯洙泗推而衍焉其最知名者則有黃勉齋幹及李燔祭沉等八人分支續派而勉齋尤及門之冠則誠九河之中支乎故朱子深衣著述之藏獨相授曰吾道之託在此可無憾矣而幹直受重仕復懼其流之或息急待其人而未得也及合臨川得婺州何北山湛及門相師一見器重因授以聖賢之傳早夜孜孜服膺弗失明朱子之旨精義新意愈出不窮四方學者雲雉屢滿卽以所得於勉齋者示之曰立志貴堅規模貴大充踐力行死而後已斯道遂洋溢於東南然則何北山者固婺州初出之山泉也一傳而得同郡王魯齋柏姿稟英邁勇於求道盡探北山之秘是混飛而盈其科矣再傳而得金仁山履祥講貫益密造詣益粹盎然春融怡然冰如盈科之又再進矣又傳而得許白雲謙致遠鈞深以聖人爲準的旁搜遠

採以義理爲折衷其規模益宏大涵蓄益深遠開門講學而荆揚吳越幽冀
齊魯之人皆不遠千里相就此坎以相承脈既川而承洛蜀通洙泗乃滙
入婺一淵泉矣天下後世稱之曰小鄒魯此之謂也自是而後或飲其波或
注其壘雖分餘澤未能逢源寧敢漫系而附其統哉在昔東萊呂氏得伊洛
之傳會昌明理學於婺親炙有聞者固多然未久而其中已絕矣蘭江章楓
山懋亦以四先生爲私淑厥稱五賢可謂無待而興者至若永康五峯一派
到今講學不輟雖上宗洙泗因田杜見山盧一松輩得姚江之傳已如源出
岷與河分道神氣聯貫而南北異流議者謂非吾婺之正脈此一郡理學
淵源之大略也雖然天下無離道之人猶天下無無水之地况洙泗之波洋
以也洛閩之澤方新也何王金許之遺書可讀今日之入婺何忍令其滔以
焉狂瀾之莫爲砥柱耶竊有幸者斯遇

聖天子在上聰明睿智以闡揚理學爲先務於是尊師表於萬世

製御贊於四賢升朱子於十哲纂集性理語類諸書

頒示天下詩曰倬彼雲漢爲章於

正如海之初觀泉之始有志之士

見古今人不相及哉故道猶水也固可據

其溯洄以從之

培菴公諱霖字霈生有志性命之學闡易理邃然以濂洛爲宗一時以儒者

稱之詩古文詞特緒餘耳古文溫潤絕似南豐詩則冲和秀雅幾可斐轍許

丁卯玉溪生諸公固非蛙聲蜩響比也公席貧力既不能出以問世而康熙

庚寅間修讎牒身爲董長亦未嘗以一言梓諸譜甚矣公之不爲名耳今

于其再從孫名禮者之家得芸心亭如意拙草二卷因擇其尤者錄之俾人

知子雲太元不終作覆瓿物也抑又聞之公著作甚富東陽藏書家多有之

倘有以吉光片羽見惠者將蒼梓之以廣傳焉

考遐不作人則一代理學之興

以追朱子而上接孔子之傳安

永亦可窮河源探星宿海誰

族孫國鴻謹誌

卷之三十一

三友鶴筆清校對

